




國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




Centimetres 1 2 3 4 5 6 7 8 9 10 11 12 13 14 15 16 17 18

TIFFEN Color Control Patches © The Tiffen Company, 2007
Blue Cyan Green Yellow Red Magenta White 3/Color Black

文始真經出世紀
道行乎教非文不宜蓋將以詔衆而傳遠也故教託文顯
道因教明三者相須而不可偏廢也然文有隱見教實與
焉所以關乎道之興替也孔子著六經以鳴道天下宗之
教已行矣秦皇出而儒書焚文既隱而教遂熄漢出屋壁
而行之文既彰而道乃行是知文之隱見卽道之晦明也
故夫子有斯文喪未之嘆一皆推之于天信非人之智力
所能及也哉

玄元道祖嘗周室之衰將有事乎西征而關令尹望雲氣
知天真至於是預期齋戒以俟應兆既至乃延而師之受
道德五千之言及乎得其道乃祖玄述妙致大盡精而著



國家圖書館, NATIONAL CENTRAL LIBRARY, TAIWAN, R.O.C.

344-2463 v.38



爲是經將以擴明其教也按劉向言關尹子隱德行易之蓋當時潛德不耀而教不大行今以莊列二書攷之列子則見而師之故多請問之辭莊子則聞風悅之遂稱之爲古之博大真人以二子之高致而推尊如是其道蓋可知矣建秦漢之交有益公者方異之人曹叅嘗師事之事見於史以是書授叅也既用其道及薨與書俱葬孝武復得於方士又爲劉安匿之呼玄聖之書何藪多而通解邪豈得之者懼夫漏神洩道寶秘而爲獨善之計邪自劉向表進之後獨見於葛稚川之序目茲以後是書遂秘由晉而來修文輔教如陶冠王尹李吳馬杜諸大師德所著子集見於藏室者不啻千餘卷終未有一言及於是書有宋

碧虛先生教法中博瞻者也其註老莊引證百家無所不至爲道纂微序乃曰今之西升經即關尹子書也又莊列所引之句是也或有之而亡也緣世亡其書道藏失載故斯億度也徽皇御極大弘玄教政和中雕鏤藏經九兩詔天下蒐訪道門隱書甚至督責郡縣入進者加以賞所獲雖衆而此書竟不出金源大定初重陽祖師自秦抵海倡起全真追三代之淳風續無爲之古教

長春嗣教詔赴

龍庭陳先王之道德慈儉好生之諫切切而進妙沃


大啓



清言集
長春上仙之後

清和典教名師高德輔玄翼德者珠聯玉耀於一時通都大邑宮觀相望星弁肩摩霞裾武接以至深山巖谷十百為居草衣木食怡然有巢許之風雖鬢童樵汲者亦皆進德業談道性無妄語一時教風之盛自三代而下未有如此時也歲終已有羽客張仲才南游回詣寶玄堂求見於宗師炷禮畢爰出一書將獻之衆師目之題籤曰關尹子書衆猶率然不為意取讀之義與文古詞徑闊澀猶車行螳蟬觸途皆礙乃相與鉤索漸得所指類推不已義大昭彰意至聖而言至希輕軒然冷然使人如登虛無之景遊廣漠之世不知心迹之俱超也衆師驚喜曰然則古有

是書何絕世無聞今何從而出詰之則曰游之楚得於采山之人蓋如李筌行陰符於石室也衆乃拜於宗師訴以得經之由宗師漠然久之曰時哉時哉斯文之出其天意乎是書不行于世蓋千年矣今天元啓瑞道化興行而此書出世者是其時也在吾門者宜自幸自慶生斯時值聖教探討服行以致其妙則聖人雖千古之遠遇之猶旦暮也嗚呼盛哉非天所畀其孰能與於此是經之出其異者蓋有三全真之教千百世間然一出也此經秘絕亦千年矣今真教方隆秘經隨出不先不後同時相值是一異也清和典教蓋三傳矣不出於前師如有所俟正清和典教之年翻然而出是二異也既出張君即得之自楚之燕踰



二千里都無迂墜直獻于師如有所使者是三異也噫以千載之前之尹書付千載之後之尹氏惠然自至如芥投針以斯三者而驗焉蒼之之意不遠矣昔者河出圖洛出書六經出於壞壁故先王之道明聖門特之為龜鑑今聖書出於道隆之世其萬世玄門之龜鑑乎繼而披雲天師刊鏤藏經即補入藏室稱為文始真經遵

太上之命號也真常真人開置玄學才俊聚焉朝講夕演多及是經然其詞旨夙具自成一家畧無莊列寓言駕辯乘風夢蝶傲世等語自守至藥分次篇目極有與旨章義異皆不失篇題自有書契以來未有如此書之淵奧也通玄而致命知天而盡神剖五常百行之精微超六籍名

言之迹演四句百非之要義異聳牙詰曲之辭窮益深測益遠若履橫杖而浮大海躡飛葉而游太虛葛仙翁模象之語之屢有時彥探微索隱作為箋解然

後反為書玷抱一子謂咸備天神至聖四者之道如女嬰龍虎之語丹道之妙也鐘鼓舟車之語禪者之機也精水神火之語造化之秘也小隙小蟲之語人事之詳也我寓道寓之語無言之言也後學知其一者不知其二達其常者不達其變明乎空宗或昧於鍊養有無俱燭復踈於治文故解之者未免有管中窺豹之誚也象先昨游浙右得抱一先生所著言外經旨其道眼高明學問富瞻註文不為正經文字所束鼓舞變化指妙意於詞章之外而不失



本旨故曰言外經旨所謂四者之道皆盡之矣其跌宕起
請出神入天亦足以起關尹於千載之下是註也惟曉於
上智非訓詁之設也夫是經大教中不可闕者也抱一之
註又是經中不可闕者也經旨既明則使玄聖之道昭昭
乎如天日在上有眼目者俱得瞻依所謂教託文顯道因
教明豈不信歟終南山樓觀宗聖宮即

真人受經結草樓之地也人世雖更山川良是象先來瞻
靈境心醉聖風游之詠之不知在數千年之外也因結夏
是宮就出抱一之註札而傳之冀乎若道若俗若智若庸
因經悟道因道度世是亦不辜

太聖慈惠天下後世之心矣復慮得之者昧知其來不知

尊敬故叙出世之因使知爲希有之遇而不自棄也凡我
同志其勗之哉肯

至元十八禩歲在辛巳重陽節日茆山道士朱象先稽首
敬拜書于

古樓觀之說經臺




新刊道書全集秘傳文始真經言外經旨序
三教一道入寶三之既已三矣孰能一之伏讀
文始真經三教於是乎可一矣何以言之經曰聞道於朝
可死於夕非朝聞道夕死可矣夫子之言乎我之與物翦
然蔚然在大化中性一而已非無人無我無衆生壽者金
剛之言乎以道運事者周之百為非同歸而殊途一致而
百慮乎以事歸道者得之一息非天下之動貞夫一者乎
是皆大易之言也心蔽言凶男女盟詛藥餌者則有靈媼
沈狂等兇狝之是則楞嚴二十五魔之說也籩豆瓦石問
答之語是則庭前翠栢拈花微笑之機也得道之尊可以
輔世得道之獨可以立我與天捐忿窒慾簡物恕人等語

國家圖書館, NATIONAL CENTRAL LIBRARY, TAIWAN, R.O.C.



文始真經言外經旨序

夫道本無名老子曰有物混成先天地生吾不知其名強
名曰道既曰無名而不知其名矣則不可以言言也如是
則聖人於道惟當不立言不立文字然聖人欲曉天下後
世苟不強立其名以述其實則所謂道者將絕學而無傳
矣關令尹望雲氣以候老子出關邀而畱之師其道而請
立言以惠天下後世則聖人慈愍後學之心至矣及乎得
老子之道傳五千言之後乃述是書以曉天下後世而露
五千言之所未述之旨然是道也不可名言之道也而是
書也所述無言之言也則其言豈可以百家窺哉宜乎莊
子聞其風而悅之自以其學出觀是書首篇之言似發明



國立中央圖書館, NATIONAL CENTRAL LIBRARY, TAIWAN, R.O.C.



五千言之旨而為道德經作傳也學者當與道德經參觀之庶幾心釋神悟於是書矣若夫因是書感悟之後而復隨世俗一曲之士輕生誣謗不生恭敬侮聖人之言則其人本以心之神靈者悟是書之旨必復為心之不神不靈者昧其性天而隨失其悟矣是書之靈必至如是讀是書者可不若葛稚川愛之誦之藏之拜之哉今欲於強名之下強字表德故述言外經旨云有
宋寶祐二年歲在甲寅重陽日抱一子陳顯微字道焚香再拜謹序

文始真經篇目

上卷

一字

字者道也

二柱

柱者建天地也

三極

極者尊聖人也

四符

符者精神魂魄也

下卷

五鑑

鑑者心也

六七


七者食也

七釜

釜者化也

八籌

籌者物也





新刊道書全集文始真經言外經旨上卷

抱一先生門弟子希微子工夷受


關尹子一字篇第一

字者道也

凡二十八章

關尹子曰非有道不可言不可言即道非有道不可思不可思即道天物怒流人事錯_レ然若_レ乎回也_レ戛_レ乎闢也勿勿乎似而非也而争之而介之而哢之而噴之而去之而嬰之言之如吹影思之如鏤塵聖智造迷鬼神不識惟不可爲不可致不可測不可分故曰天曰命曰神曰玄合曰道

抱一子曰老子曰道可道非常道名可名非常名世



NATIONAL CENTRAL LIBRARY, TAIWAN, R.O.C.



之學者罕見關尹子書而多以百家之言及臆說解之愈不能明老子之旨關尹謂使有道不可言則道與言爲二惟不可言即道則言與道爲一學者驟觀非有道不可言多誤認爲有道可言若有道可言則當云有道非不可言不曰非有道不可言也今曰非有道不可言不可言即道是則翻老子之言以明老子言外之旨也此言翻之則曰非有道不可道不可道即道既翻出不可道即道則翻出道可道非道矣道可道非道即是老子道可道非常道也或者猶疑可道爲口道之道愚又翻經言以曉之曰如曰空可空非真空使其可空即是有物室而不空之處豈謂

之真空乎知空可空非真空則知道可道非常道矣

先師選試子未修於先生曰選修自得之後無讀此經細心領會則所志超出生倫不囿於貪著瓦解可以玩三爲一即抱一子註既亦皆中正詳明不與旁歧同轍併靜擇之自生妙悟


終世不能明老子之經百失世人又多做帶字轉了

將謂老子有非常之道然老子止此常字者政恐世人疑吾所謂道有異乎人也殊不知此乃通天下之常道爾猶強名曰道者通天下之常名爾道也道天徹地亘古亘今無往而不在機關口言則去道遠矣故曰二也纔指此強名之名爲可移則非名矣不可名故假常名強名之德曰非有名不可名不可名即名也是則不可言即道不可名即名即老子可



之學者罕見闢尹子書而多以百家之言及臆說解之愈不能明老子之旨闢尹謂使有道不可言則道與言爲二惟不可言即道則言與道爲一學者驟觀非有道不可言多誤認爲有道可言若有道可言則當云有道非不可言不曰非有道不可言也今曰非有道不可言不可言即道是則翻老子之言以明老子言外之旨也此言翻之則曰非有道不可道不可道即道既翻出不可道即道則翻出道可道非道矣道可道非道即是老子道可道非常道也或者猶疑可道爲口道之道愚又翻經言以曉之曰如曰空可空非真空使其可空即是有物室而不空之處豈謂

之真空乎知空可空非真空則知道可道非常道矣或者喻曰如心心如性性皆可用功以人爲而道獨不可以人爲故不可以道也向非翻言外之旨吾終世不能明老子之經旨矣世人又多被常字轉了將謂老子有非常之道然老子立此常字者政恐世人疑吾所謂道有異乎人也殊不知此乃通天下之常道爾猶強名曰道者通天下之常名爾是道也通天徹地亘古亘今無往而不在纔開口言則去道遠矣故曰二也纔指此強名之名爲可名則非名矣惟不可名故假常名強名之猶曰非有名不可名不可名即名也是則不可言即道不可名即名即老子可




道則非常道可名則非常之名意也然則老子大聖人也其言如天之不言之言非有大聖人如關尹子者疇能復以不言之言發明其言外之旨哉然關尹子既發明不可名言之旨矣又恐世人謂道不可名言則可以思而得之故又曰非有道不可思不可思即道與上意同噫可言可思皆人也不可言不可思皆天也然則人與天果可以異觀乎曰人皆可曰天然則人與天果可以同觀乎曰天物怒流人事錯也相若而回者有相戛而闔者有相勿而似而非者或爭而日以心闔或介而不交於物或覘而呵叱之或噴而呼喚之或去而離之或要而合之天物人事

不齊如此豈可以同觀哉今欲以人之言思及之譬之如吹影鏤塵徒勞心耳是道也聖智造之猶迷鬼神測之不識惟其不可爲故曰天不可致故曰命不可測故曰神不可分故曰玄合是四者強名曰道

關尹子曰無一物非天無一物非命無一物非神無一物非玄物既如此人豈不然人皆可曰天人皆可曰神人皆可致命通玄不可彼天此非天彼神此非神彼命此非命彼玄此非玄是以善吾道者即一物中知天盡神致命造玄學之狗異名析同實得之契同實忘異名

抱一子曰老子言道繼之以常無欲以觀其妙常有欲以觀其微同謂之玄也之又玄衆妙之門關尹子



恐學者狗異名析同實而並以天命神玄四者異觀之故於此章重言卽一物中可以知天盡神致命造玄物物皆然人人本具不可彼天此非天彼神此非神彼命此非命彼玄此非玄也是則或曰妙或曰微或曰玄亦物物皆然人人本具惟得之者辨其同有之實忘其異謂之名至於玄之又玄可以入道矣

關尹子曰觀道者如觀水以觀沼爲未足則之河之江之海曰水至也殊不知我之津液涎淚皆水


抱一子曰觀道如觀水則我與水爲二矣所觀愈大所岐愈遠反照回光則吾身自有沼河江海也今之津液涎淚皆水非吾身中之沼河江海之發見乎昧

者不知耳

關尹子曰道無人聖人不見甲是道乙非道上無我聖人不見已進道已退道以不有道故不無道以不得道故不無道

抱一子曰有人則我與人爲二有我則我與道爲二我不可有道可有乎我不可得道可得乎惟不有我者然後能不無我惟不得我者然後能不失我不有不無不得不失豈如事物之有成壞得喪哉彼自執有所得者烏足以語此

關尹子曰不知道妄意卜者如射覆孟高之存金存玉中之存角存羽卑之存瓦存石是乎非是乎惟置物者知之



抱一子曰使置物者不置物於覆盂之下則徒勞射覆者卜度矣是則甲置物而乙射覆爲兩人矣今馬甲自置之而甲自射之而不知所置何物何邪以物欲爲盂以識陰爲覆雖有大智力亦不射出覆盂而悟其置也何則併與置之時忘之矣自疑以爲他人置之而我射之卜度終身而不能得一旦揭去物欲之盂破除識陰之覆而見其所置之物 悟置之者非它人而前日存金存玉存角存羽存瓦存石之想皆妄意也噫覆盂之下果何物耶學者毋以爲未嘗置而昧之

關尹子曰一陶能作萬器終無有一器能作陶者能害陶

者一道能作萬物終無有一物能作道者能害道者

抱一子曰謂之器矣馬能作陶馬能害陶謂之物矣

馬能作道馬能害道然器不作陶謂之非陶則不可

物不作道謂之非道則不可况器不能害陶而害陶

者必器物不能害道而害道者必物然器存則陶存

物在則道在去是器則陶安在哉亡是物則道安在

哉果能去是器乎器成無盡果能亡是物乎物生無

窮惟不器器謂之善陶惟不物物謂之善道善陶者

陶乎陶善道者道乎道陶乎陶者不知其陶道乎道

者不知其道不知其陶者無器可作不知其道者無

物可成器乎物乎陶乎道乎



道書全解
關尹子曰道茫茫而無知乎心儻儻而無羈乎物迭迭而無非乎電之逸乎沙之飛乎聖人以知心一物一道一三者又合爲一不以一格不一不以一害一

抱一子曰見物便見心無物心不現見心便見道無心道不見或曰先達以無心是道其說非乎又曰無心猶隔一重關其說信乎曰見物便見心時汝領會否曰會曰無物心不現時心安在哉或者茫然自失它日復問曰心可見乎曰心不可見孰可見曰道可見乎曰汝以爲道與心一乎二乎曰心與道可一矣物可與道與心一乎曰汝欲以不一者害一乎或者唯唯而退

關尹子曰以盆爲沼以石爲島魚環游之不知其幾千里而不窮也夫何故水無源無歸聖人之道本無首末無尾所以應物不窮

抱一子曰有首有尾者應物易窮無本無末者應物不窮傳曰如循環之無端孰能窮之哉嘗疑夫太素之先有太始太始之先有太初是則道未嘗無本末也太素者質之始太始者形之始太初者氣之始人能反本還源自太素以至太初如上百尺竿頭至矣盡矣不可以復上矣殊不知太初之外更有所謂太易焉太易者未見氣也是猶向百尺竿頭更進一步方見太易無首無尾無源無歸莫知所終莫知所始



者矣雖然學者向百尺竿頭如何進步

關尹子曰無愛道愛者水也無觀道觀者火也無逐道逐者木也無言道言者金也無思道思者土也惟聖人不離本情而登大道心既未萌道亦儼之

抱一子曰愛觀逐言思五者出於心心生則五者皆生心冥則五者皆泯經曰五賊在心施行乎天世人有一執一端以求道者或以愛或以觀或以逐或以言或以思起心動念去道愈遠惟聖人非不愛也愛未嘗愛非不觀也觀未嘗觀以至非不逐言思而未嘗逐言思故不離本情而登大道聖人本情豈異於人哉特心未嘗萌爾

然
關尹子曰重雲蔽天江湖黯然游魚茫然忽望波明食動幸賜于天即而就之漁釣斃焉不知我無我而逐道者亦然

抱一子曰逐者木也心已萌也有心逐道或遇異景異物異祥異氣異光異明異見異趣異靈異通橫執爲道是猶魚望波明食動而就之也惟知我無我則心無心矣安事逐我或曰進修亦逐也精進亦逐也皆非乎曰爲學日益故須精進進修以成其德爲道則日損損之又損以至於無爲無爲無不爲是名真精進

關尹子曰方術一作之在天下多矣或尚晦或尚明或尚



強或尚弱執之皆事不執之皆道

抱一子曰修真鍊性圓通覺輪所尚不同或觀音聲而尚晦或曜而尚明或運動而尚強或寂靜而尚弱是數者皆可以入道然執之則非道也事也苟不執之皆可以入道執不執之間相去遠哉

關尹子曰道終不可得彼可得者名德不名道道終不可行彼可行者名行不名道聖人以可得可行者所以善吾生以不可得不可行者所以善吾歿

抱一子曰道不可須臾離也可離非道也若夫可得可行則可失可止可失可止則有時而離矣惟不可得不可行者須臾不可離須臾不可離則我在無不

在是矣易曰顯道神德行道固身道既顯矣而德行尤不可不神也然耳不名道有所得者皆德也於道有所行者皆行也所以積德而不敢失德累行而不敢失行功滿三千大羅爲仙行滿八百大羅爲客此皆以可得可行者善吾生也若夫不可得不可行者安有所謂生安有所謂歿哉此所以善吾死也

關尹子曰聞道之後有所爲有所執者所以之人無所爲無所執者所以之天爲者必改執者必失故聞道於朝可死於夕

抱一子曰道果可聞子聞於心而不聞於耳道果可傳乎傳於天而不傳於人天其可有所爲有所執乎



故爲者必敗執者必失皆人也是知朝不聞道於
天則人不真死於夕

關尹子曰一情實爲聖人一情善爲賢人一情惡爲小人
一情冥者自有之無不可得而示一情善惡者自無起有
不可得而秘一情善惡爲有知惟動物有之一情實者爲
無知溥天之下道無不在


抱一子曰文王之不識不知孔子之無知老子之能
無知乎皆聖人之冥情也自有之無不可得而名狀
其心蕩蕩乎其可得而示哉若夫顏子孟之仁善桀跖
之暴惡皆自無起有昭昭乎不可得而秘也一情善
惡爲有知動物皆然一情冥之爲無知無知則與本

道者雖動作昭智止名爲事不名爲道

抱一子曰昔人謂方生方死方死方生蓋方生方死
者生非真生方死方生者死非真死今有生一日死
者生果真生乎死果真死乎以至十年百年莫不皆
然何以知其真死曰動作昭智者是也曰孰不動作
昭智曰未死者止名爲生未契道者止名爲事而已
噫安得真死者而與之語道哉

關尹子曰不知吾道無言無行而即有言有行者求道忽
遇異物橫執爲道殊不知捨源求流無時得源捨本就末
無時得本

抱一子曰言行可以進德不可以進道以言行求道



TIFFEN Color Control Patches

© The Tiffen Company, 2007

不惟不可得道併與德失之矣何則彼求道者過於求德則過用其心以善言善行爲不足爲必求奇言異行以爲踳德入道之蹊必有異事契其異言異物感其異行學者不悟橫執爲道未有不遭魔攝如道經佛典所云無時得原無時得本而已哉其害有不可勝言者矣

關尹子曰習射習御習琴習奕終無一事可以一息得者惟道無形無方故可得之於一息

抱一子曰世事有爲用力甚難而人樂爲大道無爲用力甚易而人不爲何則世事如射如御如琴如奕故可漸爲之非積歲累

法其妙大道無色無形無數無方不可師不可習不可漸造之有彈指頃立地成道者或累歲積日不得或一彈指頃得之相去遠矣此無它有爲之功與無爲之功與無爲之功不同也

關尹子曰兩人射相遇則巧拙見兩人奕相遇則勝負見兩人道相遇則無可示無可示者無巧無拙無勝無負

抱一子曰孔子見溫伯雪子於魯目擊而道存無可示者無可言者世有主賓相見勘勘辨正以較高下淺深之學者兩俱失之安得兩眼對兩眼者與之相見而笑哉

關尹子曰吾道如海有億萬金投之不見有億萬石投之



不見有億萬汗穢殺之不見能連小鰕小魚能運大鯢大鯨合衆水而受之不爲有餘散衆水而分之不爲不足

抱一子曰以海喻道可謂善喻矣言其體則金石汗穢鰕魚鯢鯨無所不納言其用則合受分散善利善藏無所不用大哉海乎大哉道乎雖然使海知有一物存留其中知有一滴合散其中則海之爲海殆矣問海知乎哉問道知乎哉

關尹子曰吾道如處暗夫處明者不見暗中一物而處暗者能見明中區事

抱一子曰處暗則不見我而見物不見我則忘我而身隱矣見物則昭智而不昧矣能忘我而昭智不昧

聖人之功也若夫處明則見我見我則見明見明則不見暗中一物是則衆人熙熙如春登臺我形俱顯寵辱皆鶻昧於倚伏而不覺不知者矣奚取哉

關尹子曰小人之權歸於惡君子之權歸於善聖人之權歸於無所得惟無所得所以爲道

抱一子曰人皆有是權顧所歸如何爾權者謂無一定之稱也夫小人豈一定爲惡耶能遷就善則君子矣君子豈一定爲善耶苟造次爲惡則小人矣惟聖人權如虛空歸無所得學者於不思善不思惡之際而求其權之所歸亦幾矣

關尹子曰吾道如劔以刃割物即利以手握刃即傷



抱一子曰人患不達道達道之人斷天下之事無難
無易莫不迎刃而解蓋精神剛明智照徹物來自
明事至自判不知其所以然而然也豈容一毫人力
於其間哉若夫撥吾精神察吾智慧何剛何明何照
何徹是猶以手握刃不傷者鮮矣

關尹子曰邊不問豆豆不答邊瓦不問石石不答瓦道亦
不夫問歟答歟一氣往來道何在

抱一子曰道無問問無應是則人與人居道與道會
有問有答一氣往來爾胡不觀諸邊豆瓦石乎邊與
豆終日講禮而昧者不觀瓦與石終日談道而聾者
不聽然則邊之與豆瓦之與石有問有答乎一氣往

來乎

關尹子曰仰道者歧知道者駸皆知道之事不知道之道
是以聖人不望道而歎不恃道而豐不借道于聖不賈道
于愚

抱一子曰道不可求也求之者不得道不可逐也逐
之者不及道不可恃也恃之者不尊道不可銜也銜
之者不貴世之學者未造道也仰而歧之望而歎然
與夫師而資之如而駸之皆求之逐之者也既造道
矣恃之而自豐銜之而賈愚皆不尊不貴者也是則
知道之事不知道之道爾於道何有哉若夫聖人則
不師而得不逐而不及不恃而有不銜而貴前無聖人



後無愚者獨往獨來知我者希則我貴矣

關尹子二柱篇第二

柱者建天地也

九十二章

關尹子曰若椀若盃若甌若甕若盎皆能建天地兆
龜數著破瓦文石皆能告吉凶是知天地萬物成理一物
包焉物物皆包之各不相借以我之精合彼之精爾精相
搏而神應之一雌一雄卯生一牡一牝胎生形者彼之精
理者彼之神愛者我之精觀者我之神愛爲水觀爲火愛
執而觀因之爲木觀存而愛攝之爲金先想乎一元之氣
具乎一物執愛之以合彼之形冥觀之以合彼之理則象
存焉一運之象周乎太空自中而升爲天自中而降爲地
無有升而不降無有降而不升升者爲火降者爲水欲升


國立中央圖書館藏



道書全集
而不能升者爲水欲降而不能降者爲金木之爲物鑽之
得火絞之得水金之爲物擊之得火鎔之得水金木者水
火之交也水爲精爲天火爲神爲地木爲竈爲人金爲龜
爲物運而不已者爲時包而有在者爲方惟土終始之有
解之者有示之者

抱一子曰天地者萬物父母也萬物生於天地而各
具天地之體而微也具是體則具是理雖碗孟瓶盎
皆有天地龜著瓦石皆存吉凶物之無情者尚爾况
氣血有情者乎况人爲萬物之靈者乎精神搏應形
理愛觀執存因攝而生生不窮矣非天下之至達其
孰能與於此人徒知神爲天而精爲地而不知神火

自地升精水自天降欲升不升者爲木爲人欲降不
降者爲金爲物金木者水火之交故各具水火之性
運而不已四時生焉包而有在四方立焉四時既生
四方既立則大中成焉大中成則土爲尊矣故始之
終之解而分之示而顯之皆中土之功也自夫大中
之氣周乎太空則天自中而升地自中而降而天地
之形分矣無有升而不降無有降而不升自上下下
自下上上之精神也故人之髮根在首而四肢垂下
鬼神自天而降也草木之根茹在下而枝莖向上精
氣自地而升也禽獸橫生則根亦在尾矣故雖具血
氣之情而雜金木之性五行交雜則蠢動蟲豕異稟



異根有不可勝窮者矣

關尹子曰天下之人蓋不可以億兆計人人之夢各異夜之夢各異有天有地有人有物皆思成之蓋不可以塵計安知今之天地非有思者乎

抱一子曰夢中天地人物與覺時天地人物有以異乎無以異乎皆思成之乎非思成之乎嬰兒未解思念之時彼見天地人物亦不知爲天地人物也謂之天地人物者係乎識爾嬰兒未識之時能夢天地人物否乎被初見之恐亦未識久而後凝心水印之夢斯著矣猶如玉石鱗角之中有山川星月凝而結秀則形狀具存也然則鱗角有思乎玉石有思乎知鱗

角玉石之思則知天地之思矣

關尹子曰心應棗肝應榆我通天地將陰夢水將晴夢火天地通我我與天地似契似離純純各歸

抱一子曰天地形之大者也人身形之小者也自形觀之則有小大之辨自神觀之則無離契之分天地日月明暗即人之精神盛衰豈特陰夢水晴夢火哉地之五味藥石即人之五藏好惡豈特心應棗肝應榆哉我與天地一乎一乎同歸乎各歸乎

關尹子曰天地雖大有色有形有數有方吾有非色非形非數非方而天地地者存

抱一子曰生生者未嘗生死死者未嘗死是則天



者非天地地者非地也人徒見有形色數方者謂之
天而不知非形色數方者能天天能地地能生生能
死死也學者識認得真體會得實然後知不可以名
言不可以形似昔人謂非心非物離性離相寒山子
謂之天中之天亦強名也何可云謂哉


關尹子曰死胎中者死外中者亦人亦物天地雖大彼固
不知計天地者皆我區識譬如手不觸刃刃不傷人

抱一子曰識識易去識難稚年一見皓首不忘識之
粘縛於人如此可畏哉彼死胎中死外中者不見天
地固矣然在胎在死之時有識性乎無識性乎苟無
識性則胡爲而在胎在死然則在胎在死之中果有

天地乎果無天地乎釋氏以識爲五陰之窠穢者以
其難忘也使無識則不生矣不生則不中胎卵濕化
之陰矣今日計有天地者皆我區識自計之天地何
嘗期人之識哉故曰我不觸刃刃不傷人

關尹子曰夢中鑑中水中皆有天地存焉欲去夢天地者
寢不寐欲去鑑天地者形不照欲去水天地者盞不汲彼
之有無在此不在彼是以聖人不去天地去識

抱一子曰天地有大恩於人亦有盜於人苟知其盜
則不爲其所盜矣天地本不盜人而人自盜之何則
胸中之天地萬物始如夢見中如鑑照終凝於神水
至死不能忘其爲盜豈勝言哉然夢因寐鑑因照水



因汲汲者取也夢生於視視生於取取生於識故曰
不去天地去識言天地則萬物在其中矣

關尹子曰天非自天有爲者天地非自地有爲者地譬如
屋宇舟車待人而成彼不自成知彼有待知此無待上不
見天下不見地內不見我外不見人

抱一子曰天不自天所以天長地不自地所以地久
使人不自人我不自我則可以同天地之長久矣天
地果待人而成乎待人而成者成夫人之胸中之天
地爾待固在彼成不成在我故不爲天地者上不見
天下不見地內不見我外不見人

關尹子曰有時者氣彼非氣者未嘗有晝夜有方者形彼
非形者未嘗有南北何謂非氣之所自生者如搖箒得
風彼未搖時非風之氣彼已搖時即名爲氣何謂非形形
之所自生者如鑽木得火彼未鑽時非火之形彼已鑽時
即名爲形

抱一子曰氣不能生氣生氣者非氣也形不能生形
生形者非形也或曰氣不能生氣則不問敢問形不
能生形則人與萬物以形生形非乎曰枯木宛屍亦
形也能生形乎今人與萬物以形生形者蓋有非形
者存乎其中雖金石草木莫不皆然故聖人獨以火
而喻之以明形之最精者猶若是者形之粗者哉非
氣者搖動則生氣非形者鑽磨則生形氣者天也有



時也有晝夜也形者地也有方也有南北也世有剋時日擇方嚮以求生氣生形者焉知時在天地未判之先方南自然南嚮之位也歟

關尹子曰寒暑溫涼之變如瓦石之類置之火即熱置之水即寒呵之即溫吸之即涼特因外物有去有來而彼瓦石實無去來譬如水中之影有去有來所謂水者實無去來

抱一子曰愚解參同契嘗曰天地不能晝夜也以日月往來而為晝夜天地不能寒暑也以日月遠近而為寒暑也此言寒暑之嘗也若夫盛夏寒風三冬暴鬱此不正之氣非時之風倏往忽來非天地有為也

容氣往來爾故曰如水中影有去有來所無水者實無去來

關尹子曰衣搖空得風氣呵物得水水注水即鳴石擊石即光知此說者風雨雪雷皆可為之蓋風雨雪雷皆緣氣而生而氣緣心生猶如內想大火久之覺熱內想大水久之覺寒知此說者天地之德皆可同之

抱一子曰人之精神靈龜猶天之風雨雪雷風雨雷電出於天而人且能為之而自已之精神靈龜豈不能自生自養自葆自鍊乎知搖空得風則鼓吾囊籥可以生氣知噓物得水則胎吾之氣可以化精知注水則鳴則鍊吾之精可以制龜知擊石即光則鍛吾



之臆可以益神是則觀天之道執天之行而陰符之制在氣而氣之制在心想火則執想水則寒潛天而天潛地而地千變萬化無不可爲矣德同天地信矣關尹子曰吾雲之變可以卜當年之豐歉八風之朝可以卜當時之吉凶是知休咎災祥一氣之運耳渾人我同天地而彼私智認而已之

抱一子曰五雲八風有災有祥皆一氣之運而預見休咎於天地者也无之爲炁神矣炁靈矣炁而昧者不知也一人感之而五雲爲之變八風爲之遷蓋有至靈至神者存乎其中如是則曰人曰我曰天曰地莫不貫通而私智認爲已有安知虛徹靈通大同之

道矣

關尹子曰天地寓萬物寓我寓道寓苟離于寓道亦不立抱一子曰寓者在已無居之謂也昔人謂人生天地間如白駒之過隙忽然而已非寓而何哉寓則天地寓天地非自成待我天天地地而成也故我寓則天地寓天地寓則萬物寓我與天地萬物皆寓矣而道獨不寓而長存焉則我與道爲二矣道何立哉其人存則其道存其人亡則其道息故曰苟離于寓道亦不立





關尹子三極篇第三

極者尊聖人也

九二十七章

關尹子曰聖人之治天下不我賢愚故因人之賢而賢之
因人之愚而愚之不我是非故因事之是而是之因事之
非而非之知古今之大同故或先古或先今知內外之大
同故或先內或先外天下之物無得以累之故本之以謙
天下之物無得以外之故舍之以虛天下之物無得以難
之故行之以易天下之物無得以窒之故變之以權以此
中天下可以制禮以此和天下可以作樂以此公天下可
以理財以此周天下可以禦侮以此因天下可以立法以
也觀天下可以制器聖人不以已治天下而以天下治天

國立中央圖書館, NATIONAL CENTRAL LIBRARY, TAIWAN, R.O.C



道書全集
下天下歸功於聖人聖人任功於天下所以堯舜禹湯之
治天下天下皆曰自然

抱一子曰天無爲而萬化成聖人無爲而天下治聖
人何心哉人徒見夫制禮作樂理財禦侮立法制器
周濟曲成而不道將謂聖人物也思之事也計之而
以一己之智力當天下之事物也殊不知聖人本之
以謙含之以虛行之以易變之以權因人之賢而賢
之因人之愚而愚之因是也之因非也之不以古今
而先後其心不以內外而輕重其事而以天下治天
下也天下歸功於聖人聖人不自以爲功而任功於
天下是道也堯舜禹湯得之故皆曰自然

關尹子曰天無不覆有生有殺而天無愛惡日無不照有
妍有醜而日無厚薄

抱一子也聖人猶天也物有生殺天無愛惡聖人猶
日也而物有妍醜日無厚薄是蓋聖人無爲無心之
治也

關尹子曰聖人之道天命非聖人能自道聖人之德時符
非聖人能自德聖人之事人爲非聖人能自事是以聖人
不有道不有德不有事

抱一子曰聖人無我故道以天命不自有道也德以
時符不自有德也事以人爲不自有事也彼執有道
有德有事者庸人爾焉能忘我哉



關尹子曰聖人知我無我故同之以仁知事無我故權之以義知心無我故戒之以禮知識無我故照之以智知言無我故守之以信

抱一子曰聖人之五常亦猶衆人之五常夫豈異乎人哉特衆人之五常未能忘我而聖人之五常本於無我此其所以異乎人矣仁無我則同天下之我以為仁義無我則權天下之事以為義禮無我則戒天下之心以為禮智無我則照天下之識以為智信無我則守天下之言以為信此其所以不可跂及歟

名之不得

抱一子曰以仁為仁天下之人能與知而與行至於以義以禮以智以信為仁則非天下之至聖其孰能與於此何則舉一常而五常備互接循環各兼五者視賢哲之士厚於仁而薄於義智有餘而信不足者大有徑庭也易曰仁者見之謂之仁智者見之謂之智然則聖人之道渾七淪七何可得而名狀哉故曰聖人一之不膠天下名之不得

關尹子曰勿以行觀聖人道無蹟勿以言觀聖人道無言勿以能觀聖人道無為勿以貌觀聖人道無形

抱一子曰道無形無跡無言無為學者何從而求之



通書全解
卷之十一
五十四
夫不已則求諸聖人聖人者道之體也然果可求之於聖人乎求之於聖人者不過言貌行能而已愈失之矣捨言貌行能之外何從而求觀聖人哉善觀聖人者觀其心而不觀其迹然則聖人之心果可觀乎果不可觀乎果異於吾心乎果不異於吾心乎前章有言曰不借道于聖此之謂也

關尹子曰行雖至卓不離高下言雖至公不離是非能雖至神不離巧拙貌雖至姝不離妍醜聖人假此以示天下真此乃見聖人

抱一子曰聖人本無言行貌能不得已而假此以示天下人徒見聖人言之工貌之姝行之卓能之神而

謂道在夫四者之間而有是非妍醜高下巧拙之辨愈不足以識聖人矣學者真此而於四者之外而觀之斯善學矣

關尹子曰聖人師蜂立君臣師蜘蛛立綱罟師拱鼠制禮師較蟻置兵衆人師賢人賢人師聖人聖人師萬物惟聖人同物所以無我

抱一子曰衆師賢師聖師萬物固矣然則聖人果師蜂立君臣師蛛鼠蟻而置網禮兵乎聖人同物置作無我天下之物皆聖人之師也物生自然聖人師其自然而已矣聖人何心哉

關尹子曰聖人曰道觀天地人物皆吾道倡和之始終之



青黃之矧翼之不愛道不棄物不尊君子不賤小人賢人
曰物_レ也_レ不同且_レ去之且_レ與之短之長之直之方之
是爲物易也矧不知聖人鄙雜廁別分居所以爲人不以
此爲已

抱一子曰聖人道則如絲之紛事則如碁之布聲倡
倡之聲和_レ之事始_レ之事終_レ之色青_レ之色黃
黃之物矧_レ之物翼_レ之無愛道無棄物不尊君子
不賤小人此則道如絲紛也至於鄙雜衆物廁別分
居或短或長或直或方物_レ不同且_レ去取井_レ有
條此則事如碁布也聖人志於道無心無我故不爲
物易賢人志格物有心有人故未免爲物所易

關尹子曰聖人之於衆人飲食衣服同也屋食舟車同也
富貴貧賤同也衆人每同聖人聖人每同衆人被仰其高
侈其大者其然乎其不然乎

抱一子曰聖人之處世和其光同其塵惟恐自異於
衆人而其起居衣食貧賤富貴何敢異於人哉使人
仰其高侈其大者聖人之所懼也士成綺見老子而
問曰吾觀子非聖人也鼠壤有餘蔬生熟不盡乎前
而積歛無崖老子漠然不應然則聖人之處世豈容
衆人仰侈哉

關尹子曰魚欲異羣魚捨水躍岸即死虎欲異羣虎捨山
入市即擒聖人不異衆人特物不能拘爾



抱一子曰莊子謂昔吾聞之大成之人曰自伐者無
功功成者墮名成者虧孰能去功與名而還與衆人
純上常上削迹捐勢無責于人上亦無責焉此聖人
不異衆人之說也若夫遊於雕陵而忘其身見異鶴
之利而忘其直虞人逐之以吾爲戮反走而三月不
庭此魚捨水躍岸虎捨山入市之謂也雖然聖人處
衆雖不自異物豈能拘之哉


關尹子曰道無作以道應世者是事非道也無方以道寓
物者是物非道聖人竟不能出道以示人

抱一子曰道本無爲以道應世者是事也道本無體
以道寓物者是物也聖人終不能將出此道以示人

然則志道之士何從而得之哉昔人謂使道可獻人
莫不獻之於其君使道可進入莫不進之於其親使
道可傳人莫不傳之於子孫惟其不可出示於人故
得之者鮮矣然則聖人終不示於人乎孔子不云乎
吾無隱乎爾善觀聖人者當於事外之外觀之

關尹子曰如鐘鐘然如鐘鼓然聖人之言則然如車車然
如車舟然聖人之行則然惟莫能名所以退天下之言惟
莫能知所以奪天下之智

抱一子曰謂鐘爲鐘人皆然之謂鼓爲鐘則人不測
其言所以退天下之言也謂車車行人皆然之謂舟
車行則人罔測其行所以奪天下之智也是猶犬可



以爲羊輪不碾地之辨也其可以名言乎其可以智知乎

關尹子曰蜘蛛食蛇蛇食蛙蛙食蜘蛛互相食也聖人之言亦然豈言有無之弊又言非有非無之弊又言非非有非無之弊言之如引鋸然惟善聖者不留一言

抱一子曰夫大道無說善聖者不言非無說也不可說也不可說而言之則有弊何則言則不出乎有無也言有則無言無則有言非有則非無言非無則非有有無相吞互相爲弊猶蛇蛙蜘蛛互相吞食如引鋸然去來牽掣是則有言不如無言也然則聖人果不留一言乎聖人之言滿天下學者苟以聖人之言

爲言不惟不知言併與聖人失之矣

關尹子曰若龍若蛟若蛇若龜若魚若蛤龍皆能之蛟蛟而已不能爲龍亦不能爲蛇爲龜爲魚爲蛤聖人龍之賢人蛟之人蛟之

抱一子曰聖人能大能小能智能愚能垢能淨能貴能賤能壽能夭千變萬化無可無不可賢人則不然能大不能小能智不能愚昔孔子見老聃歸謂弟子曰吾今於是乎見龍也合而成體散而成章乘乎雲氣養乎陰陽予口張而不能嚼又何規於老聃哉子貢曰然則人固有尸居而龍現雷聲而淵默發動如天地者乎賜亦可得而觀乎聖人龍之賢人蛟之其



是之謂歟

關尹子曰在已無居形物自著其動若水其靜若鏡其應若響若乎若亡齊乎若清同焉者和得焉者失未嘗先人而嘗隨人

抱一子曰在已不自居自居則有我矣能無我則形物自著非我分別而著彼形物也此靜也靜極則動而其動也如水之流動已復靜而其靜若鏡之臺是則雖有動靜而何嘗動靜哉其應物也若響之應聲則吾如虛空虛谷矣芒芴乎若未嘗有湛寂乎澈底純清同乎物而不自異則與物和而不競也驚其得而不自有出與道忘而不失也未嘗先人常後而不

先不敢爲天下先也而嘗隨人和而不倡不得已而後動也體用具存權實畢備此聖人之所以爲善聖歟

關尹子曰渾乎洋乎游太初乎時金已時玉已時糞已時上已時翔物時逐物時山物時淵物端乎權乎狂乎愚乎抱一子曰老子曰吾游於物之初孔子曰何謂邪心困焉而不知口辟焉而不能言始終相反乎無端而莫知其所窮謂之渾乎洋乎游太初乎豈不信然至於如金在礦如玉蘊石則時金時玉也道在瓦礫道在屎溺則時糞時土也鷄居而鷲食鳥行而無影則時翔物也呼我馬而謂之馬呼我牛而謂之牛則時



逐物也塊然如石槁然如木則時山物也如鱗之潛
如魚之泳則時淵物也然則皆聖人之正行乎皆聖
人之權變乎大聖若狂大智若愚夫豈真狂真愚也
哉

關尹子曰人之善琴者有悲心則聲悽也然有思心則聲
遲也然有怨心則聲回也然有慕心則聲疾也一作然所以
悲思怨慕者非手非竹非絲非桐得之心符之手得之手
符之物人之有道者莫不中道

抱一子曰人之善琴者得之心而符之手得之手而
符之物而悲思怨慕之心猶足以感絲桐而聲爲之
變而况有道之人動止周旋無不中道寧不感天動

地康時豐物我昔庚桑楚得老子之道居畏壘之山
三年而畏壘大穰其是之謂乎

關尹子曰聖人以有言有爲有思者所以同乎人未嘗言
未嘗爲未嘗思者所以異乎人

抱一子曰聖人終日言而未嘗言終日爲而未嘗爲
終日思而未嘗思時人不能測識爾何以異乎人哉
關尹子曰利害心愈明則親不睦賢愚心不明則友不交
是非心愈明則事不成好醜心愈明則物不狎是以聖人
渾之

抱一子曰衆人昭也我獨昏也衆人察也我獨悶也
昭也察也則利害賢愚是非好醜之心愈明矣愈明



則親友事物愈難睦辨矣惟聖人以無心渾之則彼
利自利害自害賢愚自賢愚好醜自好醜如是則親
無不睦友無不交事無不成物無不辨聖人初何容
心哉

關尹子曰世之愚拙者妄援聖人之愚拙自解殊不知聖
人時愚時明時拙時巧

抱一子曰聖人有太巧而若拙有大智而若愚世之
愚拙妄援聖人以自解則愚者愈見其愚拙者愈露
其拙豈能自解哉

關尹子曰以聖師聖者賢人以賢師聖者聖人蓋以聖師
聖者狗跡而忘道以賢師聖者反跡而合道

抱一子曰有聖有賢之分者迹也未嘗有聖有賢之
分者道也視聖人爲聖人豈可歧及哉是則狗迹而
忘道也惟不知其爲聖而以賢師資之則智齊於師
庶乎忘其迹而得其道矣而古人猶謂智與師齊減
師半德學者須負過師之智則幾矣

關尹子曰賢人趨上而不見下衆人趨下而不見上聖人
通乎上下惟其宜之豈曰離賢人衆人別有聖人也哉

抱一子曰中人以上可以語上故賢人趨上中人以
下不可以語上故衆人不見上皆偏也聖人渾通上
下無所不趨無所不見在賢亦宜在衆亦宜和光同
塵所以異於賢人遠矣



關尹子曰天下之理夫者倡婦者隨牡者馳北者逐雄者
鳴雌者應是以聖人制言行而賢人拘之


抱一子曰聖人言滿天下無口過行滿天下無怨惡
何則任物理之自然而君臣上下父子兄弟貴賤尊
卑之間感應貫通出於口而行於身譬如夫唱婦隨
牡馳北逐雄鳴雌應莫不順其自然之理也聖人初
何容心哉賢人制禮法以防人心故不得不拘之至
有言行樞機榮辱之戒善惡千里遠順之幾故學者
不得不謹言行之也

關尹子曰聖人道雖虎變事則鸞行道雖絲紛事則碁布
抱一子曰前云聖人龍之如易之乾卦有大人飛龍

之象今云虎變如易之革卦有大人虎變之象龍則
言聖人之體變化無常飛潛莫測虎則喻聖人之道
煥乎有文章之可觀凜乎有威風之可畏及乎行聖
人之事則愚夫愚婦亦可行之而步履方拙如鸞初
無甚高難行之舉也道則絲紛事則碁布者以言其
道若渾而難理其事則有條而不紊也

關尹子曰所謂聖人之道者胡然乎上爾胡然徹上爾胡
然唐^七爾胡然滅^上爾惟其能徧偶萬物而無一物能
偶之故能貴萬物

抱一子曰聖人之道如太虚子上然無與爲偶徹上
然無不洞貫堂上然充滿乾坤滅上然不容視聽唯



其能徧偶萬物而無一物能偶之所以貴於萬物也
老子曰有物混成先天地生巍々尊高其是之謂與
關尹子曰雲之卷舒禽之飛翔皆在虛空中所以變化不
窮聖人之道則然

抱一子曰聖人之道如雲之在大虛而卷舒不定如
禽之在太空而飛翔無窮使無此虛空以容之則雲
禽之變化飛翔窒矣使聖人之道不得無方之神無
体之玄以運之則聖人之變化窮矣

關尹子四符篇第四

符者精神鬼鬼也 九十七章

關尹子曰水可析可合精無人也火因膏因薪神無我也
故耳蔽前後皆可聞無人智崇無人一音無人冬凋秋物
無人黑不可變無人北壽無人皆精舌即齒牙成言無我
禮卑無我二偶無我夏因春物無我亦可變無我南天無
我皆神以精無我故米去殼則精存以神無我故鬼憑物
則神見全精者忘是非忘得失在此者非彼抱神者時晦
明時強弱在彼者非此

抱一子曰一水析之置於器石器瓦器至於萬器
皆可也萬器之水復合爲一水亦可也其水或在器



祈而為萬或離氣合而為一其景之德灼然無殊
 故我之精散於事物猶水之在眾器投視反聽猶合
 眾水而為一靈明絕待甯然長存故所見我獨蓋精
 無人也火因膏薪而後顯非膏薪則外光不存故我
 之神感而遂退應物而現非物感之則寂無所向故
 所見人同蓋神無我也詳而推之近身遠物莫不皆
 然耳屬腎雖救之前後皆可聞一也智於五常應水
 智崇一也冬於時應水冬凋秋物而歸根一也黑於
 色應水黑不可變一也北於方應壽北壽一也一數
 奇獨也故皆曰無人水之象也精者水故曰皆精曰
 可聞曰崇曰奇曰獨曰不可變曰壽又皆無人有我

也舌屬心即唇齒而成言一也禮於五常應火禮早
 二也夏於時應火夏因春物而榮華二也赤於色應
 火亦可變二也南於方應火南天二也二數偶兩也
 故皆曰無我火之象也神者火故曰皆神曰成言曰
 早曰偶曰因曰可變曰天又皆無我也精無人如粟
 中之有米故曰米去殼則精存神無我如鬼無体附
 物則見故曰鬼憑物則神見夫是非得失因待而有
 全精者既無人則無所待故忘是非忘得失猶米去
 殼而精存也曰在此者我也非彼者是非得失也時
 晦明時強弱者隨時之宜也抱神者既無我則常應
 常靜猶鬼憑物而神見也曰在彼者因時也非此者



無我也學者知乎此則知所以無人無我全精抱神之道也

關尹子曰精神水火也五行互生滅之其來無首其往無尾則吾之精一滴無存亡尔吾之神一歛無起滅尔惟無我無人無首無尾所以與天地冥

抱一子曰精神水火也自水生木木生火火生土土生金金復生水則互生也自火尅金金尅木木尅土土尅水水復尅火則互滅也其來無首其往無尾滅已復生生已復滅則知精未嘗有一滴存亡神未嘗有一歛起滅惟無我無人無首無尾與天地宜契則精神長存矣

關尹子曰精者水。鬼者金。神者火。鬼者木。精主水。鬼主金。金生水。故精者鬼藏之神。主火。鬼主木。木生火。故神者鬼藏之。惟火之爲物。能鎔金而銷之。能燔木而燒之。所以真鬼。鬼惟精在天爲寒。在地爲神。在人爲精。神在天爲熱。鬼在地爲火。在人爲神。鬼在天爲燥。在地爲金。在人爲鬼。鬼在天爲風。在地爲木。在人爲鬼。惟以我之精合天地萬物之神。譬精。譬如萬水可合爲一水。以我之神合天地萬物之神。譬如萬火可合爲一火。以我之鬼合天地萬物之鬼。譬如金之爲物。可合異金而鎔之。爲一金。以我之鬼合天地萬物之鬼。譬如木之爲物。可接異木而生叢之。爲一木。則天地萬物皆吾精。吾神。吾鬼。吾鬼。何者死。何者生。




抱一子曰精水一合鬼金四爲五神火二合鬼木三
爲五精藏鬼而神藏鬼是則四物雖居兩處可以一
五擒之然鬼木爲龍鬼金爲虎使鬼藏於神鬼藏於
精則二物分於二所終不能相制惟火能鎔金燔木
故神可以制鬼鬼殊不知神寓於鬼如火附於木而
火二木三之五運於西北制精鍊鬼使四象五行俱
歸於土實資神火之功也故丹法始終全資火候者
火之功用大矣哉至於合天地萬物之水火金木皆
爲吾之精神鬼鬼譬如萬水可合爲一水萬火可合
爲一火異金可鎔爲一金異木可接爲一木此則山
河大地皆吾法身之妙用也安有所謂生安有所謂

死哉。

關尹子曰五行之運固精有鬼因鬼有神因神有意因意
有鬼因鬼有精五行回環不已所以我之偽心流轉造化
幾億萬歲未有窮極然核芽相生不知其幾萬株天地雖
大不能芽空中之核雌知相生不知其幾萬禽陰陽雖妙
不能卵無雄之雌惟其來于我者皆攝之以一息則變物
爲我無物非我所謂五行者孰能變之

抱一子曰精神鬼鬼意五者回環相生不已則人之
偽心輪回四生六道經幾億萬年未有窮極何則有
此偽心則有此偽意有意則有鬼有鬼則有精有精
則有鬼有鬼則有神有神則又有意矣彼空中之核



與無雄之雌胡爲而不芽不卯耶蓋精不存也物則自清而入濁故始因精而終成鬼神則自微而入妙故始因意而終成神蓋意土數五而五與人俱生故首與四肢及手足之指皆五也使終能至神而不復生意則遇物對境當以一息攝之則變物為我矣無物非我則五行皆為吾用而不復有相生相滅之機孰能變之哉此永不輪回不受生之妙用也學者知之乎

關尹子曰衆人以鬼攝鬼者金有餘則木不足也聖人以鬼運鬼者木有餘則金不足也蓋鬼之藏鬼俱之鬼之游鬼因之鬼晝寓目鬼夜舍肝寓目能見舍肝能夢見者鬼

無分別析之者分別析之曰天地者鬼狙習也夢者鬼無分別析之者分別析之曰彼我者鬼狙習也土生金故意生鬼神之所動不名神名意上之所動不名意名鬼惟聖人知我無我知物無物皆因思慮計之而有是以萬物之來我皆對之以性而不對之以心性者心未萌也無心則無意矣蓋無火則無土無意則無鬼矣蓋無土則無金一者不存五者皆廢既能渾天地萬物以為鬼斯能渾天地萬物以為鬼凡造化所妙皆吾鬼凡造化所有皆吾鬼則無有一物可役我者郭本有火生土故神生意七字在土生金故意生鬼之上


抱一子曰愚解前章謂物之自精至鬼從清入濁而



鬼盛則死矣故曰金有餘則木不足若天聖人自意
生身至於成神則木有餘金不足鬼有餘者多覺鬼
有餘者多夢覺之與夢皆能分別者非鬼鬼能自析
之也皆有真性存乎其中而徂習既久而能生此分
別識也惟聖人知我無我知物無物皆因心意計之
故對境忘識無意而對之以性性者心未萌也無心
則無意矣一意不存五行皆廢斯能渾天地造化之
所妙者皆為吾鬼渾天地造化之所有者皆為吾鬼
是則萬物皆為吾役而不役於物矣

關尹子曰鬼云為鬼鬼白為鬼於文則然鬼者人死所變
云者風上者木白者氣上者金風散故輕清輕清者上天

金堅故重濁重濁者入地輕清者鬼從鬼升重濁者鬼從
鬼降有以仁升者為木星佐有以義升者為金星佐有以
禮升者為火星佐有以智升者為水星佐有以信升者為
土星佐有以不仁沉者木賊之不義沉者金賊之不禮沉
者火賊之不智沉者水賊之不信沉者土賊之鬼鬼半之
則在人間升鬼為貴降鬼為賤靈鬼為賢厲鬼為愚輕鬼
為明重鬼為暗揚鬼為羽鈍鬼為毛明魂為神幽鬼為鬼
其行其居其識其好皆以五行契之惟五行之數參差不
一所以萬物之多盈天地間猶未已也以五事歸五行以
五行作五蟲可勝言哉譬猶兆龜數著至誠自契五行應
之誠苟不至兆之數無一應者聖人假物以游世五行不




道書全錄
大如卷之十一
三十一
得不對

抱一子曰云白今之楷字也自秦之程邈變古篆為
隸王次仲即隸成楷而後有也在當時字體與今不
同之字古之云字阜字古之白字是則之鬼為鬼阜
鬼為鬼於古文則然之則從虛輕清故為風之古風
字阜則從身重濁故為氣乾古氣字然則古人製字
亦或有道焉風屬木氣屬金木主升金主降以五常
而升者為五星之佐反五常而沉者為五行所賊楞
嚴所述升沉之報與此同義鬼鬼相半則在人間然
常人止有三竄七鬼故鬼多者為貴為賢為明為羽
為神鬼多者為賤為愚為暗為毛為鬼而其識其好

皆弊五行惟五行參差不一故胎卵濕化有色無色
有想無想等類衆生盈天地間生生不已也然聖人
本無我不假於物則不能游世如火不附木則無所
託形然物之在世豈能堅久哉聖人必以五行對之
然後生生不窮如水火相剋却成既濟金木相剋却
成夫婦皆對法也是道也如兆龜數著至誠自契誠
若不至則五行無一應者矣

關尹子曰五者具有鬼竄者識目者精色者神見之者為
竄耳目口鼻心之類在此生者愛為精為彼生父本觀為
神為彼生母本愛觀雖異郭本於此有背四字識生彼生生本在彼生
者一為父故受氣於父氣為水二為母故受血於母血為



火有父有母彼生生矣惟其愛之無識如鎖之交觀之無識如燈之照吾識不萌吾生何有

抱一子曰目耳鼻口心謂之五根聲色香味事謂之五塵觀聽嗅嚐思謂之五識五根主於精精有我無人之物也五塵主於神神無我即物而見也五識主於寃故曰寃識蓋根塵識三者具而後有寃也父以精愛母以神觀愛爲水觀爲火水爲氣火爲血父精母血交而識存乎中此降本流末生生不窮之理也若夫愛無識而如鎖之交觀無識而如燈之照則吾識未嘗萌吾生何嘗有哉

關尹子曰如桴扣鼓之形者我之有也鼓之聲者我之感也桴已往矣餘聲尚在終亦不存而已矣鼓之形如我之精鼓之聲如我之神其餘聲者猶之寃寃知夫倏往倏來則五行之氣我何有焉

抱一子曰精如鼓神如聲餘聲如寃寃固矣然則鼓不扣則不生聲精不感則不生神扣鼓以桴亡則雖有餘聲終亦不存矣感精以氣亡則雖有寃寃終亦不存矣是則五行之氣倏往倏來我本無有而我之所有者扣桴感氣者而已矣或問曰聲不絕鼓長存畢竟以何道感之曰請放下手中桴方向汝說

關尹子曰夫菓之有核必待水土三者俱矣然後相生



道學全書
不窮三者不具如大旱大潦大塊皆不足以生物夫精水
神火意土三者本不交惟人以根合之故能於其中橫見
有事猶如術祝者能於至無中見多有事

抱一子曰世之術祝能於無中見多有事如張諧作
五里之霧左慈擲謀上之杯是道也無出於精神意
三者合而爲之如菓之有核必待水火土三者具而
後生三者不交則如大旱大潦大塊不能生物然三
者本不能自交惟人以根合之知男女二根交精而
生形也然天有天根地有地根人有人根造化有造
化之根人能於造化之根上以起天地之根則能無
中生有變化之道也

關尹子曰竄者木也木根於冬水而華於夏火故人之竄
藏於夜精而見於晝神合乎精故所見我獨蓋精未嘗有
人合乎神故所見人同蓋神未嘗有我

抱一子曰此章獨言木喻者發明上章言根之旨也
蓋木爲竄爲人也人之所以爲人以竄識晝夜隱見
精神之中而已矣精一也故竄識合精則所見惟我
獨神二也故竄識合神則所見與人同如木之根於
冬而榮於夏即竄之藏於夜而見於晝也知夫木之
根則知竄之根矣知夫竄之根則知天地造化之根
矣

關尹子曰知夫此身如夢中身隨情所見者可以飛神作



我而游太清知夫此物如夢中物隨情所見者可以凝精
造物而駕八荒是道也能見精神而久生能忘精神而超
生吸氣以養精如金生水吸風以養神如木生火所以假
外以延精神漱水以養精上之所以不窮摩火以養神上
之所以不窮下所以假內以延精神若夫忘精神而超生
者吾嘗言之矣

抱一子曰人假精神以有生善養精神者能見精神
而久生陰符經謂天有五賊見之者昌是也能忘精
神而超生陰符經謂人知其神而神不知不神而所
以神也世有夢飛神而游太清者亦有夢乘物而駕
八荒者此身此物皆如夢幻夢而能之者靈於神也

覺而不能者拘於形也惟能自見精神者覺夢一致
可以飛神作我可以凝精造物是皆法之妙用也至
於吸炁吸風以益金木於外漱水摩火以養精神於
內亦皆足以延精神斯術之粗者也若夫忘精神而
超生者道也是道也隱然述於此書又在夫人之自
得而已矣

關尹子曰人勤於禮者神不外馳可以集神人勤於智者
精不外移可以攝精仁則陽而明可以輕鬼義則陰而冥
可以御鬼

抱一子曰聖人因人之常心之所固有者立為五常
皆自然而然而非有牽強故曰常也人能循此常而行



之至可以集神攝精輕魂御氣蓋人之五神主此五
常猶天之五星主此五事也火星主禮土主升火亦
升神屬火人勤于禮者神不外馳可以集神其餘如
木星主仁金星主義水星主智而木輕金冥水降所
以能輕魂御氣攝精莫不能然只言四者四物具則
上在其中四常具則信在其中四神具則意在其中
四方立則中在其中孟子亦只言四端而不及信與
此義同

關尹子曰螻蟻轉丸丸成而精思之而有蟬白者存丸中
俄去殼而蟬彼蟻不思彼蟬奚白

抱一子曰此章言感化之機能動無情之物也丸本
無情而螻蟻轉而精思之則蟬生丸中俄去殼而化
為蟬外爐金丹生於金鼎神室之中神室本虛器全
藉守爐之人神識不昧晝夜精觀而神丹生於虛器
之中外丹既熟而內丹亦就化形而仙矣參同契曰
萬象憑虛生感化各有類感化者亦螻蟻精思之意耶
關尹子曰庖人羨蟹遺一足几上蟹已羨而遺足尚動是
生死者一氣聚散尔不生不死而人橫計曰生記

抱一子曰人以動物為有生今釜中之解豈羨而几
上之遺足尚動是則生者一氣之聚死者一氣之散
尔彼非氣者何嘗有聚散生死哉人橫計之尔

關尹子曰有死立者有死坐者有死臥者有死病者有死



葉者等死無甲乙之殊若知道之士不見生故不見死
抱一子曰世人不知我本無生而見生脫立亡者以
爲了達見臥死病死者以爲未了達殊不知均一死
爾初無甲乙之殊惟知道者未嘗有生故不見其生
未嘗有死故不見其死


關尹子曰人之厭生死超生死者皆是大患也譬如化人
若有厭生死心超生死心止名爲妖不名爲道

抱一子曰老子謂專炁致柔能如嬰兒今問嬰兒曰
汝生乎則不知也汝死乎則不知也然則人之有厭
生死心非大患乎有超生死心非妖乎

關尹子曰計生死者或曰死已有或曰死已無或曰死已

亦有亦無或曰死已不有不無或曰當幸喜者或曰當懼
者或曰當任者或曰當超者愈變識情馳騫不已殊不知
我之生死如馬之手如牛之翼本無有復無無譬如水火
雖犯水火不能燒之不能溺之

抱一子曰以馬之無手牛之無翼以况我之未嘗有生
生死也以水犯水火犯火以况我之入生死也然則
既曰如馬手牛翼之未嘗有矣又何入哉曰以未嘗
有生而入死以未嘗有死而入生是則入亦無入犯
亦無犯若夫以謂或有或無或幸或懼或任或超愈
變情識而馳騫愈遠矣安足以知此哉老子曰我尚
白首則此血肉之身豈能以存然與賢七昏七者則





國家圖書館, NATIONAL CENTRAL LIBRARY, TAIWAN, R.O.C


有間矣

道書全集

文苑卷之八




國家圖書館, NATIONAL CENTRAL LIBRARY, TAIWAN, R.O.C



開子五續篇第五
 鑑者心也
 九二下章
 開子子曰心哉古古者常鬼福之心哉與女者清鬼福
 之心哉幽更百泥鬼福之心哉友選許者紅鬼福之心哉
 聖祖者青鬼福之心哉來與者物鬼福之如是之鬼或以
 陰身或以陽身或以身或以身或以身或以身或以身
 為身或以形為身或以形為身或以形為身或以形為身
 其相此以其清其精其神則其應之為鬼所攝者或解其
 平或解其苦或解其難其人彼其不日鬼子影照曰道子



國家圖書館, NATIONAL CENTRAL LIBRARY, TAIWAN, R.O.C.





新刊道書全集文始真經言外經旨下卷

抱一先生門弟子希微子玉夷受

關尹子五鑑篇第五

鑑者心也 凡二十章

關尹子曰心蔽誣吉凶者靈鬼攝之心蔽男女者淫鬼攝

之心蔽幽憂者沉鬼攝之心蔽放逸發者狂鬼攝之心蔽


盟詛者竒鬼攝之心蔽藥餌者物鬼攝之如是之鬼或以

陰為身或以幽為身或以風為身或以氣為身或以土偶


為身或以彩畫為身或以老畜為身或以敗器為身彼以

其精此以其精兩精相搏則神應之為鬼所攝者或解竒

事或解異事或解瑞事其人傲然不曰鬼于躬惟曰道于



國立中央圖書館, NATIONAL CENTRAL LIBRARY, TAIWAN, R.O.C.



窮久之或死木或死金或死繩或死井惟聖人能神神而不神于神役萬物而執其机可以會之可以散之可以禦之日應萬物其心寂然


抱一子曰聖人能神而不神于神衆人神于神而不能神神能神神則日應萬物其心寂然神于神則心寂事物而為鬼所攝鬼亦神之純陰者也故亦無我而附物為身既認物為我身則精存於物物我相搏則神應之故為鬼所攝者或能瑞異或知吉凶其入傲然自謂得道不悟魔攝久致喪身五行賊之隨類死物如釋教楞嚴所述二十五魔一同是說也在周末之時釋教未入中國已先述於是書矣較之釋

經理詳而辭簡然則關尹子書豈一曲之士所能測

識哉

關尹子曰無一心五識並馳心不可一無虚心五行皆具心不可虛無靜心萬化密移心不可靜借能一則二偶之借能虛則實滿之借能靜則動搖之惟聖人能歛萬有於一息無有一物可役吾之明徹散一息於萬有無有一物可間吾之云為

抱一子曰聖人之心能歛能散歛則會萬有於一息散則敷一息於萬有初不待一之虛之靜之也苟用工於一則不一矣用工於虛則不虛矣用工於靜則不靜矣惟其不用工於一不用工於虛不用工於靜




則此心未嘗二未嘗實未嘗動也雖曰歛散何嘗歛散哉如是則日應萬變吾心寂然無一物可殺吾之明徹無一物可間吾之云為聖人以五鑑明心信乎其為鑑矣

關尹子曰火千年俄可滅識千年俄可去

抱一子曰火本無我自清濁兆分而來天下未嘗有自生之火也必假人力鑽燧擊石而後生列子曰人生火是也夫火本無體雖燧燹千年而俄頃可滅惟識亦然自胞胎賦形而來此心未嘗先具此識也蓋因根塵取受徂習而後生關尹子曰物交心生識是也夫識本無方雖記認千年而俄頃可去然則滅火

可
易不然難去識易不續難停曰得道易守道難信哉
關尹子曰流者舟也所以流之者是水非舟運者車也所以運之者是牛非車思者心也所以思之者是意非心不知所以然而然惟不知所以然而然故其來無從其往無在其來無從其往無在故能與天地本原不古不今

抱一子曰心火也意土也思亦土也故所以思之者
是意非心也猶舟流因水車運因牛而心思因意也
昔人謂車不行打車即是打牛即是今夫心役於思
去心即是去意即是三教聖人皆主張無意而不主
張無心者肯必有人在也學者當思念之時推求意之
所生則不知其所以然而然故其來無從其往無在



如是則意未嘗有意意未嘗有意則思未嘗有思念未嘗有念而無思之思無念之念與天地之本原不古不今而長存矣視夫絕思斷念心如土木者異矣關尹子曰知心無物則知物無物知物無物則知道無物知道無物故不尊卓絕之行不驚微妙之言

抱一子曰昔人有言曰若云它是聖自己却成狂苟遇卓絕之行而尊之聞微妙之言而駭之則循迹而不見道矣蓋道無古今無聖狂無言行前無先達後無作者知乎此則何者為物何者為心哉

關尹子曰物我交心生兩木摩火生不可謂之在我不可謂之在彼不可謂之非我不可謂之非彼執而彼我之則


愚

抱一子曰心火也二也故物我交而後心生兩木摩而後火生彼有執以為心在我或在彼又執以為火在此或在彼者不然則或以為非我非彼者皆愚人也烏足以識心哉

關尹子曰無特爾所謂利害是非爾所謂利害是非者果得利害是非之乎聖人方且不識不知而况於爾

抱一子曰利害心愈明則親不睦是非心愈明則事不成聖人方且不識不知而况爾所謂利害是非者果得而利害是非之乎

關尹子曰夜之所夢或長於夜心無時生於齊者心之所



道書全錄
見皆齊國也既而之宋之魏之晉之心之所存各異心無方


抱一子曰邯鄲之夢終身榮辱不知歷幾寒暑矣既
寤則黃梁未熟特片時爾心豈有定時耶楚人之子
生長楚國引而置之荊岳之間數年雖日捷而求其
楚不可得矣心豈有定方耶世有執時執方以求心
者安足以識心哉

關尹子曰善弓者師弓不師羿善舟者師舟不師慕善心
者師心不師聖

抱一子曰輪扁斲輪之妙父不可傳於子得之心應
之手豈可以師傳哉然則迺蒙學射于羿盡羿之道

果盡乎曰使盡羿之道則不思天下惟羿為愈已也
然學聖人者自以為盡聖人之道者如鼠飲河足厭
其量爾今善弓者師弓善舟者師舟以喻善心者師
心可謂善喻矣弓則有矢的步力之可師舟則有帆
拖風水之可法至於心明則覺昏則昧而已孰從而
師之哉雖然學者於動靜語默之間向明覺昏昧處
通得一線則心之法有餘師矣

關尹子曰是非好醜成敗盈虛造物者運矣皆因私識執
之而有於是無遺之猶存以非有非無遺之猶存無曰
莫莫爾無曰渾渾爾猶存譬猶昔游再到記憶宛然此不
可忘不可遺善去識者變識為智變識為智之說汝知之




乎曰想如思鬼心慄思盜心怖曰識如謔忝為稷認玉為石者浮游罔象無所底止譬觀竒物生竒物想生竒物識此想此識根不在我譬如今今日而已至於來日無識殊未可卜及至來日紛紛想識皆緣有生曰想曰識譬犀望月月形入角特因識生始有月形而彼真月初不在角宵中之天地萬物亦然知此說者外不見物內不見情

抱一子曰天地萬物古今萬事在人胸中如月形生於犀牛之角彼犀不望月而想則角無由而生月矣月形既存于角中則盡犀之形不可去也以喻人之胸中萬物萬事忘不得遣不得如昔日曾游之景再游則記憶宛然皆識使然也且如今日見某事某物

至於來日所見殊未可卜及乎來日紛紛想識皆緣有生若夫來日未至事物未有之時此想此識根安在哉然則今日識想皆妄想妄識明矣譬如無鬼思鬼無盜思盜本妄想也而能生慄生怖之妄情認忝為稷認玉為石本妄識也而能生真稷真石之妄識然則觀竒物見竒事何異夫妄情妄識耶執而有之印於心府可謂不智矣知乎此則知變識為智之說矣變識為智則外不見物內不見情

閔尹子曰物生於土終變於土事生於意終變於意知夫惟意則俄是之俄非之俄善之俄惡之意有變心無變意有覺心無覺惟一我心則意者塵往來爾事者歛起滅爾




道藏經
卷之四
吾心有大常者存

抱一子曰識生於意也生於心善去識者去其識之所生之母而已矣譬如物生於土則終變於土識生於意終變於意事之是非善惡雖以識分辨之而莫不皆隨意變也意是在是非則識隨而在是非意在善惡則識隨而在善惡是則子隨母轉也然意雖有變心未嘗變意雖有覺心未嘗覺知心無變無覺則意如塵之往來事如歛之起滅皆不足以動吾心君而我心惟一蓋有大常者存焉爾

關尹子曰情生於心心生於性情波也心流也性水也來于我者如石火頃以性受之則心不生物浮浮然

抱一子曰後世言性者皆曰性生於心以心為母性為子謂如五常之性根于一心皆未達夫真性之所為其所以未入理域歟孔子言窮理而後盡性理者心也與孟子言盡其心者知其性知其性則知天意同釋氏言明心然後見性故直指人心見性成佛典今言心生於性皆以性為母心為子也而尚恐學者未明又以水喻之曰性水也心流也情波也則本末次第歷然易辨矣苟事物來于我而以心應之不亦勞乎天下之事物無窮吾心之精神有限以有限對無窮吾心殆矣惟聖人以性受之則心不生而事物



浮浮然不能入吾之靈府矣

關尹子曰賢愚真偽有識者有不識者彼雖有賢愚彼雖有真偽而謂之賢愚真偽者擊我之識知夫皆識所成故雖真者亦偽之

抱一子曰人之賢者可慕可重愚者不必慕不必重事物之真者易留意而難忘事物之偽者不甚着意而易忘所以區別賢愚真偽者皆識情使然也苟知識情所使則雖賢者亦愚之真者亦偽之則變識為智而忘之矣

關尹子曰心感物不生心生情物交心不生物生識物尚非真何況於識尚非真何況於情而彼妄人於至無中

執以為有於至交中執以為常一情認之積為萬情萬情認之積為萬物物來無窮我心有際故我之良心受制於情我之本情受制於物可使之去可使之來而彼去來初不在我造化役之固無休息殊不知天地雖大能役有形而不能役無形陰陽雖妙能役有氣而不能役無氣心之所之則氣從之氣之所之則形應之猶如太虛於一炁中變成萬物而彼一炁不名太虛我之一心能變為氣能變為形而我之心無氣無形知夫我之一心無氣無形則天地陰陽不能役之

本有於至無中變成炁八字在猶如太虛之下


抱一子曰天地雖大陰陽雖妙能役有形氣者不能役無形氣者而我之一心無形無氣天地陰陽尚不



能役而反受制於情受役於物何耶於至無中執以
為有於至有中執以為常因識生情因情着物物來
無窮造化無定使去使來不得自在或者謂我之一
心能變為氣能變為形既為氣矣既為形矣役於五
行拘於陰陽盛衰往來初不在我造化役之安能自
由哉噫如繪塑師幻像鬼神自生怖畏殊不知我之
一心本同太虛太虛於一炁中變成萬物而彼一炁
不名太虛昧者直以一炁名為太虛焉能逃天地陰
陽之役哉

關尹子曰人之平日目忽見非常之物者皆心有所結而
使之然人之病目目忽見非常之物者皆心有所歎而使
之然苟知吾心能於無中示有則知吾心能於有中示無
但不信之自然不神或曰厥識既昏孰能不信我應之曰
如捕蛇師心不怖蛇彼雖夢蛇而不怖畏故黃帝曰道無
鬼神獨注獨來

抱一子曰瞪目發勞乚久精結故忽見非常之物與
彼病目見空中花及第二月無以異也又有心有所
歎忽見冤尤之形皆無中示有也既見矣孰能不信
如捕蛇之師雖夢蛇不畏者習慣如自然也昔有人
居山習定而山精現恠異之形变化百種魔撓其人
其人瞑目不視曰汝之伎倆有盡我之不聞不見無
窮山精退不復見此即有中示無惟不信之自然不



神也若夫即吾心中可作萬物而見嬰兒姪女青龍
白虎等物者皆自我作之有無在我與忽見非常之
物者異矣然聖人觀此猶且見如不見何哉黃帝不
云乎道無鬼神獨往獨來是也

關尹子曰我之思慮日變有使之者非我也命也苟知惟
命外不見我內不見心

抱一子曰人之思慮日日不同莫之致而致也孰能
使之哉命也既曰命矣則由我乎不由我乎使我命
在天則思慮不由我若我命在我則何思何慮故外
不見我內不見心

關尹子曰譬如兩目能見天地萬物暫時回光一時不見

抱一子曰此章當連前章為一章謂人有思慮譬如
兩目能見天地萬物若能回光反照則天地萬物一
時不見是則何庸思慮哉但世人知此機者鮮矣

關尹子曰目視雕琢者明愈傷耳聞交響者聰愈傷心思
玄妙者心愈傷

抱一子曰此章亦與上章意連謂目不能反照而視
雕琢者明愈傷耳不能反聽而聞交響者聰愈傷心
不能無念而思玄妙者心愈傷三章相續其義始圓
關尹子曰勿以我心揆彼當以彼心揆彼知此說者可以
周事可以行德可以貫道可以交人可以忘我

抱一子曰若以我心揆彼則人之識見各各不同人




我旣分町畦斯判安能周事哉事且不周况交人乎况行德貫道乎惟以彼心揆彼此聖人無我之學也如是則何事不周何人不交何德不行何道不貫哉關尹子曰天下之理小不制而至於大大不制而至於不可制故能制一情者可以成德能忘一情者可以契道抱一子曰天下之事無不起於小而至於大學者但知防患於微而不知制情於微能制一情可以成德能忘一情可以契道制一情者謂情始萌即制伏之使不致於為惡故可成德忘一情者情未萌也情既未萌則不待忘而忘之矣情忘心空故可契道也

關尹子曰六七篇第六

匕者食也食者形也

九十六章

關尹子曰世之人以我思異彼思彼思異我思分入我者殊不知夢中人亦我思異彼思彼思異我思孰為我孰為人世之人以我痛異彼痛彼痛異我痛分人我者殊不知夢中人亦我痛異彼痛彼痛異我痛孰為我孰為人爪髮不痛手足不思亦我也豈可以思痛異之世之人以獨見者為夢同見者為覺殊不知精之所結亦有一人獨見於晝者神之所合亦有兩人同夢於夜者二者皆我精神孰為夢孰為覺世之人以暫見者為夢久見者為覺殊不知暫之所見者陰陽之炁久之所見者亦陰陽之炁二者皆



道林岩集
文苑卷之十
我陰陽孰為夢孰為覺

抱一子曰昔人有不識我而求我者以色求之不得又有聲求之不得又於臭味覺意求之俱不得然後知我之為我視之不見聽之不聞搏之不得而橫執以為我者皆妄也安識所謂真我哉今夫世之人以能思能痛者為我以不能思不能痛者為非我兩失之矣能思能痛者果我乎我本無意無念思從何來是則妄有緣塵於中積聚徂習為惡非我真有是思也我本無相無牀痛從何起是則妄有血氣於中假合觸覺為痛非我真有是痛也然則不能思不能痛者果非我乎爪髮不痛手足不思齋我也夢中之天地萬物不思夢中之人神鳥獸不痛亦我也豈可以人我異之世之人以獨見暫見者為夢以同見久見者為覺亦兩失之矣獨見暫見者果夢乎我本無夢蓋因陰因夜因寐與識相緣而有是夢也我本無覺蓋因陽因晝因寤與見相緣而有是覺也然則同見久見者果非夢乎神之所合亦有兩人同夢於夜者陰陽結習亦有天地萬物久見於夢者豈可以覺夢異之人與我不異覺與夢不殊然後知遍虛空世界天地人物無一物非我之真無一物是我之已而已矣

關尹子曰好仁者同夢松栢桃李好義者多夢金刀兵鐵



幻礼者多夢簾簾豆好智者多夢江湖川澤好信者多
夢山岳原野役于五行未有不然而然夢中或聞某事或
思某事夢亦隨變五行不可拘聖人仰物以心攝心以性
則心同造化五行亦不可拘

抱一子曰世人不能逃陰陽五行者以心有所思而
役於事物也傳曰寇莫大於陰陽無所逃於陰陽之
間又曰五賊在心施行乎天是則五賊生於陰陽而
人之所思不着事即着物事物不出於五行所以為
五賊所役而不能逃也是賊也在陽則為見在陰則
為夢在覺為事在夢為物如好仁者多夢松栢之類
皆役於五行也雖役於五行而夢中忽聞別事忽思
他事識見變遷則夢亦隨變五行亦不能拘知夢中
之五行不能拘則若事若物皆可以御而役之而不
役於事物也不役於事物則陰陽五行烏能為寇為
賊哉聖人御事物不以思而以心攝心不以念而以
性此其所以心同造化而五行不可拘歟

關尹子曰汝見蛇首人身者牛臂魚鱗者鬼形禽翼者汝
勿恠此恠不及夢夢恠不及覺有耳有目有手有臂恠尤
矣大言不能言大智不能思

抱一子曰天不言而日月運四時行天雖不言而日
月運四時乃大言矣聖人不思而得聖人雖不思而
能得乃大智矣今有人見夫未嘗見者如蛇首人身



之類必以為恠矣不思夫形寢神息之時忽有所夢
天地人物從何而生從何而見世人習慣不以為恠
細推詳研吾之精神本自清明寧一而化為是夢豈
不甚可恠哉知夢為恠矣今觀我之形有耳有目有
手有臂視聽動止比之夢中所見一一有實豈不尤
可恠耶况口之能言心之能思其為恠有不可勝言
者矣或曰吾道與之貌天與之形雖其耳目手足反
而思之不見其為有也如是則恠可去乎愚荅曰道
甚麼或人再舉前問愚曰大言不能言大智不能思
或者喏然而退

關尹子曰有人問於我曰爾族何氏何名何字何食何衣

何友何僕何琴何書何古何今我時默然不对一字或人
扣之不已我不得已而應之曰尚自不見我將何為我所
抱一子曰人有真我雖聖智未易自見也人惟不能
自見故或以色求我或以音聲求我轉不可得而見
矣况問我以氏族名字衣食友僕琴書古今哉宜乎
聖人默然不对是不對也乃所以浮對也或者不喻
聖人之意而扣之不已夫扣之不已者疑乎信乎以
為信耶彼之我即我之彼也彼之彼即我之我也彼
彼不能相我則我不能喻彼矣以為疑耶則我以
不我對而不對以我對我以對非對則以不對對又
何疑焉而扣之不已耶聖人於是自其妄見而喻之



謂彼以見見我不以不見見我以見不見我見我之
處不以不見見我不見之所乃應之曰我尚不見我
將何為我所噫是亦第二義矣

關尹子曰形可分可合可延可隱一夫一婦可生二子形
可分一夫一婦二人成一子形可合食巨勝則壽形可延
夜無月火人不見我形可隱以一炁生萬物猶棄髮可換
所以分形以一炁合萬物猶破唇可補所以合形以神存
炁以炁存形所以延形合形於神合神於无所以隱形汝
欲知之乎汝欲為之乎

抱一子曰學道有三品上品者以神為主中品者以
炁為主下品者以形為主以神存炁以炁存形所以
延形合形於神合神於无所以隱形二者雖有微妙
之分然皆以神為主上品也以一炁生萬物以一炁
合萬物如採祖炁服元炁閉胎息襲氣母之類皆以
氣為主中品也食巨勝則壽無月火則隱如服食金
石草木存意形中一處皆以形物為主下品也然三
者之中至清者神至濁者形半清半濁者氣夫以至
濁之形猶可合可分可延可隱而况於炁乎而况於
神乎學者欲知之欲為之惟其志而已矣

關尹子曰無有一物不可見則無一物非吾之見無有一
物不可聞則無一物非吾之聞五物可以養形無一物非
吾之形五味可以養氣無一物非吾之氣是故吾之形氣



天地萬物

抱一子曰五物可以養形五味可以養氣則天地之間無一物非吾之形氣也至於無一物非吾之見無一物非吾之聞則聞與見果何物耶以為形可聞見乎則死屍胡不能聞見也以為氣可聞見乎則虛呵胡不能聞見也是則形氣之外別有物焉為之主張乎是維持乎是然則是物果安在哉經不云乎恍惚惚惚其中有物杳冥冥其中有精欲識是物精神是也然神無我也即天地萬物之色以見吾神精無人也即天地萬物之聲以聞吾精是故吾之形氣天地萬物吾之精神萬物聲色

關尹子曰耕夫習牛則獮獵夫習虎則勇漁夫習水則沈戰夫習馬則健萬物可為我我之一身內變螭蛇外蚤蝨蚤蝨則龜魚瘦則鼠螳我可為萬物

抱一子曰人之形本非我有習於物則與物俱化病與氣則與氣俱化昔人有繪虎入神化為虎者是習牛則獮之意也昔人有患瘡破之其中皆蝨者是外蚤變螭蛇之類也習則與物俱化病則與氣俱化而世人執有其身妄認為己有者又豈悟夫天地之委形哉

關尹子曰我之為我如灰中金而不若礦砂之金破礦得金淘砂得金揚灰終身無得金者



抱一子曰不知我無我而盡智求我者如揚灰求金終身不可得也知無我而不求我則如金藏於礦砂玉隱於石璞昔人以喻水中鹹味色裏膠青畢竟是不見其形可謂善喻矣

關尹子曰一蜂至微亦能游觀乎天地一鰕至微亦能放肆乎大海

抱一子曰蠢動含靈皆具是心皆具是道昔人謂巨冥蟲向蚊蟲眉睫上建立世界蓋以形觀之則有巨細之分以心論之則無小大之辯故一蜂可游觀天地一鰕可放肆大海豈可以形微而輕賤之哉

關尹子曰土偶之成也有貴有賤有士有女其土其懷

土人哉

抱一子曰人之過人有貴賤男女之相而起愛惡尊卑之念者分別於識而不照於智也今遇土偶之人亦有貴賤男女之相而不起愛惡尊卑之念者知其質為上而有偽之之智也前章有言曰知夫皆識所成故雖真者亦偽之此變識為智之妙用也

關尹子曰目自觀目無色耳自聽耳無聲舌自嚐舌無味心自揆心無物衆人逐於外賢人執於內聖人皆偽之

抱一子曰目逐於色耳逐於聲舌逐於味心逐於物者衆人也目內視自觀耳及聰自聰舌收津自嚐心攝念自揆賢人也逐於外者固非執於內者亦妄先



達有詩云雖然放下外塵勞內又縈心兩何異是以
聖人皆偽之

關尹子曰我身五行之炁而五行之炁其性一物借如一
所以取水可以取火可以生木可以凝金可以變土其
性含攝元無差殊故羽蟲盛者毛蟲不育毛蟲盛者鱗蟲
不育知五行互用者可以忘我

抱一子曰人一身之中具五行之炁所主所應岐之
則五其互相含攝元一性也如金鎔之得水擊之得
火木絞之得水鑽之得火是也至於鳥獸蟲魚莫不
皆然比之人則有偏盛之稟爾偏於火者為羽偏於
金者為毛偏於水者為鱗朱雀在南白虎在西之類

是也偏盛於此則不育於彼是知人與萬物各具五
行而五行之炁輪環互用回視我身皆五行之炁儼
合而成而昧者執有此身豈不惑哉知此說者可以
忘我

關尹子曰枯龜無我能見大知磁石無我能見大力鐘鼓
無我能見大音舟車無我能見遠行故我一身雖有智有
力有行有音未嘗有我

抱一子曰枯龜磁石舟車鐘鼓皆物也焉能有為乎
所以見大知大力大音大行者物感之故也人於事
物未形之時無思無為寂然何有一旦物感而動事
且物發則智力言行見矣智力言行雖見實事物也



於我何有哉故曰未嘗有我
關尹子曰蜮射影能斃我知夫無知者亦我則溥天之下
我無不在


抱一子曰通天地之間一氣耳豈有無虛實能間之
哉世人執六尺之軀以痒疴覺觸者為我之有且瓜
與髮我之實有也何割之而不痛影非我之實有也
何域射之而斃我世人見之於著不見之於微知乎
此則知無知者亦我也故曰溥天之下我無不在

關尹子曰心憶者猶忘飢心念者猶忘寒心養者猶忘病
心吸者猶忘痛苟吸烝以養其和孰能飢之存神以滋其
暖孰能寒之養五藏以五行則無傷也孰能病之歸五

於五行則無知也孰則痛之

抱一子曰人之飢寒病痛皆出於妄心若夫心憶猶
能忘飢之類是則以妄止妄之說也苟知夫我之妄
心皆出於五行而以五行勝之則妄心可以消釋矣
故吸烝以養和則可以忘飢存神以滋暖可以忘寒
是則以金實土以火勝水之說也歸五藏於五行可
以愈病是則生尅補瀉之法也歸五藏於五行可以
忘病是則形氣無我之道也若夫不吸氣而飽不存
神而暖不養五藏以愈病不歸五行以忘痛非天下
至精至通之士其孰能與於此

關尹子曰人無以無知無為者為無我雖有知有為不害



其為無我譬如火也躁動不停未嘗有我


抱一子曰此篇逐章言形食而論無我之說詳矣聖人又慮學者執無我如木石故於卒章重發明無我之妙用以為譬如火也雖躁動不停未嘗有我若人達此妙用雖終日言行施為不害其為無我噫莊子所謂深知無心者矣

關尹子七釜篇第七

○釜者化也

九十三章

關尹子曰道本至無以事歸道者得之一息事本至有以道運事者周之百為得道之尊者可以輔世得道之獨者可以立我知道非時之所能拘者能以一日為百年能以百年為一日知道非方之所能礙者能以一里為百里能以百里為一里知道無氣能運有氣者可以召風雨知道無形能變有形者可以易鳥獸得道之清者物莫能累身輕矣可以騎鳳鶴得道之渾者物莫能溺身冥矣可以席蛟鯨有即無無即有知此道者可以制鬼神實即虛虛即實知此道者可以入金石上即下下即上知此道者可以



侍星辰古即今今即古知此道者可以卜龜筮人即我我
即人知此道者可以窺他人之肺腑物即我我即物知此
道者可以成腹中之龍虎知象由心變以此觀心可以成
女嬰知炁由心生以此吸神可以成爐治以此勝物虎豹
可伏以此同物水火可入惟有道之士能為之亦能能之
而不為之

抱一子曰易曰知變化之道者其知神之所為乎孟
子曰聖而不可知之謂神今天下之學者去聖逾遠
望道而未之見覲其庶幾聖人者絕代無聞焉而况
不可知之神故言神者例以孔子不語怪力亂神絕
之故知道之士絕口不言至於生死之說亦秘而不

傳矣且孔子果不言神乎果不言生死乎如曰知死
生之說如曰陰陽不測之謂神鼓之舞之以盡神皆
孔子之言也今聖人于七釜一篇備言變化之道蓋
釜者資水火以造物之器也後世學者觀之不驚其
言者鮮矣或者指為異端偽書宜哉莊子有言曰騖
者無以與乎文章之觀聳者無以與乎鐘鼓之聲豈
惟形骸有聳聳哉夫知亦有之其是之謂歟易不云
乎天下之動貞夫一者也即以事歸道者得之一息
之理也以道運事者周之百為即能成天下之務一
致而百慮也得道之尊獨者可以輔世立我即輔相
天地之宜聖人之大寶曰位也道非時之所能拘非



方之所能礙即通乎晝夜之道而知不疾而速不行而之之謂也可以召風兩侍星辰即風以散之雨以潤之可與佑神之謂也可以易鳥獸騎鳳鶴席蛟鯨制鬼神則精氣為物游塊為变知鬼神之情狀之謂也可以入金石即兌為金艮為石山澤通氣然後能变化成萬物之謂也可以卜龜筮即卜筮尚占受命如響之謂也學者能知乾坤一闔一闢謂之变則知坎离交遇水火相射山澤通氣雷風相搏之機然後知我之震兌即他人之肺肝能入震兌之神則可以窺他人之肺肝矣我之魂魄即龍虎之精英能收魂魄之炁則可以化腹中之龍虎矣坎之中有巽兒

之中有姤女能取坎中之實以點离中之虛則女嬰相見各現其形是道也因運神火照入坎中驅逐陰中之陽飛騰而上至神火本位遇陽中之陰擒制交結如金烏搗兔磁石吸針二炁紐結而生变化或現女嬰之象或呈龍虎之形变化萬端飛走不定往來騰躍不出鼎爐當是時則當鼓動巽風助吾离火猛烹極鍛鍊成真丹凝成至寶是道也其中有觀心吸神二用皆助火候之力者釋氏觀法觀心似是而非方士之服炁嚙津棄本逐末安識運神火以觀真心鼓巽風以吸真神之妙用哉丹成之後自然可以伏虎豹可以入水火是皆性命之秘間有形於易書者




易不云乎非天下至神至精至變至通其孰能與於此苟非其人道不虛行故曰惟有道之士能為之聖人欲顯諸仁藏諸用以盡內聖外王之道故曰亦能能之而不為之

關尹子曰人之力有可以奪天地造化者如冬起雷夏造冰死屍能行枯木能華豆中攝鬼杯中釣魚畫門可開土鬼可語皆純炁所為故能化萬物今之情情不停亦炁所為而炁之為物有合有散我之所以行炁者本未嘗合亦未嘗合有合者生有散者死彼未嘗合未嘗散者無生無死者有去來邇常自若

抱一子曰列子問至人潛行不窒蹈火不熱行于萬

物之上而不蹶何以至此關尹子曰是純炁之守也非智巧果敢之列夫人拘於形則不能變化若犬鑿形為炁使形盡化炁則聚成形散為炁矣故能化萬物今觀雲之變化則知炁之變化也且蜃之為物不靈於人而猶積氣之久可以化樓閣人物以為海市至於鷹化為鳩豹變為虎蠅化為蟬魚化為龍鳥獸蟲魚尚能奪天地之造化人反不若何耶以六欲七情內賊其天真五行六塵外鑠其神氣雖間有知道者能制精練神鍊形化炁而作輟不常十寒一曝求其純乎化炁雖億兆人中而求一人不可得矣是道也賢愚得賤皆可為之其道不遠今之情情不停皆



此物也蓋有非此物者存乎其中學者知乎此則知吾之所以行炁者知所以行炁則知所以鍊炁知所以鍊炁則知所以化炁成醇矣是實也不隨炁合不隨炁散不逐形生不逐形死故曰客有去來郵常自若

關尹子曰有誦呪者有事神者有墨字者有奕指者皆可以役神御炁變化萬物惟不誠之人難於自信而易於信物故假此為之苟知惟誠有不待彼而然者

抱一子曰人之精神何所不至哉惟昧者不自知耳世有誦呪事神墨字奕指之類人以為神靈蓋信於物而不自信也殊不知彼之神者靈者皆我之至精

至誠役之御之而能靈也化書云神猶母也氣猶子也以神召氣如母召子孰敢不至此亦役神御氣之道也苟知為我之精誠豈區、信於物也哉

關尹子曰人之一呼一吸日行四十萬里化可謂速矣惟聖人不存不變

抱一子曰天地之大不可以程度計今云一呼一吸日行四十萬里則人一晝一夜凡一萬三千五百息日行五千四百兆里為一周天昔人以表影長短驗日之行度遠近亦以世之尋文為準既可以尋文則可以步里計矣愚妄以謂日行四十萬里豈得無奇是蓋總其大數尔若果有奇則恐滿五千五百兆



里之數則與易之天地之數五十有五合矣日月五星離合順逆聖人皆能測而為曆而昧者莫不見莫能知也故陰符經云天下莫不見莫能知者是也夫速莫速於大化昔人謂揭天地以趨新負山嶽以舍故造化無斯須不移也萬物無暫忽不變也山川日更矣而世人以為如昨時世日新矣而世人以為如故今交一臂而失之者皆在冥中去矣故向者之我非復今我今日之我非復故吾矣是則我與今俱往矣而昧者不知橫謂今日所遇可係而存矣知一息之頃而大化已行四十萬里矣聖人不遷化而存亦不順化而變故曰不存不變
十萬為億十億為兆

關尹子曰青鸞子千歲而千歲化桃_子五仕而心五化聖人賓事去物豈不欲建立於世哉有形數者懼化之不可知也

抱一子曰有形有數者必化在聖人不欲苟免也何則既謂之形必有數焉非我所有也天地之委蛻也天地且不能停化而形豈能違化哉雖然聖人假象物以游世對五行以寓形應萬事不敢為天下先故不為主而為賓也御萬物而不為萬物所役故立於獨而無待也為賓則如寄謂來去自如爾無待則無耦謂存亡不二示如是則若形若數豈能拘我而聖人猶不欲久立於世者視此形軀為吾大患懼化之



不可知也青為子古之得道之士也住世千歲而千
歲化即此意也若夫桃子五仕而心五化者如孔子
行年六十而六十化曾子再仕而心再化意同
關尹子曰萬物变迁雖互隱見烝一而已惟聖人知一而
不化

抱一子曰此章意連上章謂有形之物雖互隱見而
一烝在天地間未嘗化也一氣簡且不化况吾之非
烝者乎何謂非烝无之所自生者前篇已詳述之矣
聖人此章明吾之真靈若寓於形則雖千年亦化寓
於烝則一而不化也

關尹子曰瓜之生髮之長榮衛之行無頃刻止眾人皆

見之於著不能見之於微謂不可見也聖人任化所以不
化

抱一子曰眾人徒見天地日月之行之速此著而易
見者也而不知吾之榮衛晝夜之間行陰二十五度
行陽二十五度凡一萬三千五百息脉絡之循環運
轉無頃刻止故瓜之生髮之長無暫忽停此微而難
見者也孰能述之哉惟聖人不存不変任彼自化所
以無化

關尹子曰室中有常見聞矣既而之門之鄰之里之黨既
而之郊之山之川見聞各異好惡隨之和競從之得失成
之是以動止有成



抱一子曰聖人之聞見未嘗異於衆人衆人之聞見隨處變異而生好惡和競得失之心使聖人異於衆人而隨處不生好惡和競得失之心則有心矣有我矣此賢人不動心之學望聖人而未至者也若夫聖人則出門同人隨人好惡從人和競成人得失如老子之人號亦號人笑亦笑孔子之耳順縱心列子從師三年心不敢念是不口不敢言利害從師五年心更念是非口更言利害此皆聖人不異衆人衆人不異聖人之說也何嘗以聞見自異哉聖人之所謹者不妄出戶庭而无咎不妄同人于莽而弗克攻不妄同人于郊而志未得危邦不入亂邦不居特以動止為戒而已矣

關尹子曰譬如大海變化億萬蛟魚水一而已我之與物翦然蔚然在大化中性一而已知夫性一者無人無我無死無生

抱一子曰昔人有言曰魚龍不知水為命猶人在空中不識空我之與物林然在大化之中性一而已猶蛟魚生於大海之中水一而已知大海為一水則蛟魚相忘矣知太虛為一性則人我相忘矣何者為死何者為生

關尹子曰天下之理是或化為非非或化為是恩或化為難：或化為恩是以聖人居常處變



抱一子曰天下無有不變之事亦無有不變之理聖
狂之相去奚啻大淵生死之不齊奚啻冰炭而聖罔
念則化作狂狂克念則化作聖生極則化為殺殺極
則化為生而况是非恩讎之間疑似反覆豈不易變
孰昧者執其自是如山之不可移恃其有恩如海之
流不竭未幾是化為非恩化為讎而前日自是之我
山俄而化為衆非之海恃恩之人海俄而化為積怨
之山如高岸為谷深谷為陵不期及而變也吁可畏
我聖人不執是不辯非不恃恩不念讎乎我山夷人
海居天下之常慮事物之變未嘗先人而嘗隨人其
要無咎而已矣

關尹子曰人之少也當佩乎父兄之教人之壯也當達乎
朋友之箴人之老也當警乎少壯之說萬化雖移不能厄
我

抱一子曰人之處世未免有立身行己應事接物之
為苟有我而自用則一動之頃吉凶悔吝隨之惟有
一吉之利而凶悔吝三者厄我矣惟聖人捨己從人
當少時即佩父母之教及其壯也達乎朋友之箴至
於老也當警其少壯之說是則自少至老未嘗有我
萬化雖移安能厄我哉

關尹子曰天下之理輕者易化重者難化譬如風雲須臾
交滅金玉之性歷久不渝人之輕明者能與造化俱化而



不啻殆有未嘗化者存

抱一子曰輕者人之寃也明者人之神也寃為木所以輕也神為火所以明也日出於卯而寃旺日中於午而神旺日晡於申而寃絕日沒於亥而神絕是則一日之間而吾之寃神與造化俱化而不留矣惟精與寃重而且暗可以歷久故能胎寃胎神至於來日輕明寃神復自精寃因明因寃而復生復旺矣是則輕而明者假重而暗者為之母也收寃神絕於申亥之間而精寃壞而不存則來日之寃神無自而生矣知道之士知乎此故鍊精鍊寃約金為王使歷久不渝則吾之神寃可以永久乘負得其所託而長生矣

參同辨吉人相乘者安穩可長生是則鍊精寃為金

玉則吾 為大吉之身而乘吾之寃神矣所以太

一火符修鍊金丹只鍊二物者鍊精與寃也并土為

三物爾參同契謂其三遂不入火二與之俱者木三

之寃與火二之神不須鍛鍊不入爐鼎而左爐鼎之

外周天運火者乃神與寃也寃三神二合之成五所

以能周天運火而不昧精水之一與寃金之四亦合

之成五所以能化金液以成丹如是四物俱能成五

者實假中宮土五以成變化張悟真謂只緣彼此懷

真土遂使金丹有返還者此也又曰東三南二同成

五比一西方四共之戊己自居本生位三家相見結



嬰兒知此理然後知吾身殆有未嘗化者存

關尹子曰二幼相好及其壯也相遇則不相識二壯相好及其老也相遇則不相識如雀鷓鷹鳩之化無昔無今

抱一子曰人之形體亦天地間一物爾無頃刻不與造化俱化者也幼時顏貌至壯則異壯時顏貌至老則殊如雀鷓鷹鳩隨四時陰陽之氣變化形體不得自如也安有今昔之同哉然則吾之形容與今俱往矣與物俱化矣可不覺乎

關尹子八篇篇第八

筭者物也

九六章

關尹子曰古之善操著灼龜者能於今中示古古中示今高中示下下中示高小中示大大中示小小中示多多中示一人中示物物中示人我中示彼彼中示我是道也其來無今其往無古其高無蓋其低無載其大無外其小無內其外無物其內無人其近無我其遠無彼不可析不可合不可喻不可思惟其渾淪所以為道

辨本有其本無其本無多在其本無內之下

抱一子曰易曰探賸索隱鉤深致遠成天下之亶也者莫大乎蓍龜如是則蓍之與龜可以喻道矣是物也本枯莖朽骨爾靈從何來聖從何起今焉能於今



中卜古中卜今是則其來無今其往無古而彰往
察來也能於高中示下下中示高是則其高無蓋其
低無載而上下無常也能小中示大大中示小是則
其大無外其小無內而齊小大也能一中示多多中
示一是則錯綜其數一致百慮也能人中示物物中
示人是則其外無物其內無人而無有遠近幽深遂
知來物也能我中示彼彼中示我是則其近無我其
遠無彼而以言乎遠則不禦以言乎適則靜兩正也
然則枯莖朽骨何其神哉是神也存乎枯莖朽骨之
中不可析不可合不可喻不可思如妙道之存乎人
之血肉形體之中而不可析合不可喻思也易不云

乎著之德圓而神惟其渾淪所以為道

關尹子曰水潛故蘊為五精火飛故達為五臭木茂故華
為五色金堅故實為五聲土和故滋為五味其常五其變
不可計其物五其雜不可計然則萬物在天地間不可執
謂之萬不可執謂之五不可執謂之一不可執謂之非萬
不可執謂之非五不可執謂之非一或合之或離之以此
必形以此必數以此必氣徒自勞尔物不知我我不知物
抱一子曰五行之在天地間其常五其變不可勝計
其物五其雜不可勝計總其綱領則水蘊為五精火
達為五臭木華為五色金實為五聲土滋為五味然
萬物在天地間不可勝計皆自五行錯雜而生或合



道藏全書
卷之五
或離之不可執謂之五不可執謂之萬不可執謂
之一又不可執謂之非五非萬非一若分別某物必
某數必某氣徒自勞尔故曰物不知我我不知物

關尹子曰即吾心中可作萬物蓋心有所之則愛從之愛
從之則精從之蓋心有所結先凝為水心慕物涎出心悲
物淚出出心愧物汗出無暫而不久無久而不變水生木
木生火火生土土生金金生水相攻相尅不可勝數嬰兒
藥女金金文樓絳宮青蛟白虎寶鼎紅爐皆此物有非此物
存者

抱一子曰陰符經曰天有五賊見之者昌五賊在心
施行于天宇宙在乎手萬化生乎身然則五行之妙

用神我靈我人患心不知其機耳知其機而制之則五

賊皆為吾用而嬰兒藥女金樓絳宮青蛟白虎寶鼎

紅爐皆見其形而不能隱故曰見之者昌見之者見

吾身之精神竟竟疑於神水結而成象現於黃庭之

中也是物也猶在腎感愛而為精在目感悲而為淚

在鼻感風而為涕在身媿物而為汗一同是理皆出

於心有所之而神水隨應也如幼年所見景物至壯

至老猶能夢見終身不忘者即入於心凝結神水無

暫而不久無久而不變也但心有所之與心無所之

不同尔若夫擒制五賊鍛鍊五行惟一心不動神水

自凝然後五賊見形千變萬化矣是道也雖皆五行




之物所化而滅然自有非此五行之物者存乎其中
為之主宰尔
關尹子曰鳥獸俄啣俄旬旬俄逃逃草木俄茁茁俄停
停俄蕭蕭天地不能留聖人不能繫有運者存焉爾有之
在彼無之在此鼓不桴則不鳴偶之在彼奇之在此桴不
手則不繫

抱一子曰聖人觀化所以無化化之運於形氣之間
也天地不能留聖哲不能繫今觀夫鳥獸啣啣而鳴
旬旬而來逃逃而去與夫草木茁茁而芽亭亭而茂
蕭蕭而枯皆俄然爾化可謂速矣然聖人所以無化
者如鼓不桴則不鳴有在彼無在我也桴不干則不

繫偶在彼奇在我也前篇曰手不觸刃刃不傷人譬
此同旨

關尹子曰均一物也衆人惑其名見物不見道賢人析其
理見道不見物聖人合其天不見道不見物一道皆道不
執之即道執之則物

抱一子曰萬物盈天地間各具一名各具一理見其
名而不見其道者為物所格衆人也析其理而不見
其物者能格於物賢人也聖人則不然不見所謂道
不見所謂物合其天而已矣若夫指一物謂之道則
餘物非道也惟不執之謂之道則物物皆道也若執
之以為道即物矣



關尹子曰知物之偽者不必去物譬如見土牛木馬雖情存牛馬之名而心忘牛馬之實

抱一子曰物之真偽生於識聖人遇物真者亦偽之去識也真者且偽之則舉天下之物皆偽矣知天下之物皆偽則何必去物哉如見土木偶形雖有某物之形而心忘某物之實學道之士當對景之時能如是乎

關尹子九藥篇第九

藥者雜治也

九三十一章

關尹子曰勿輕小事小障沉舟勿輕小物小蟲毒身勿輕小人小人賊國能周小事一後能成大事能積小物然後能成大物能善小人然後能契大人天既無可必者人人無能必者事惟去事離人則我在我惟可即可未有當繁簡可當戒恐可當勤惰可勤惰又作動靜

抱一子曰此一篇皆藥石之言所以謂之雜治也蓋人之處世未能去事離人則應事接物之際一動一止有吉凶悔吝存焉聖人欲人避凶就吉免悔吝之虞故垂藥石之訓使人服膺而對治之非大聖大智



其孰能如是哉且夫天既無可必者人人又無能必者事其敢輕小人輕小物輕小事哉孔子曰人心險於山川難於知天猶有春秋冬夏旦暮之期人者厚貌深情其就義若渴其去義若熱者豈可測哉世之輕小人易小物忽小事而至於敗國亡家喪身失命者多矣故聖人謂能善小人然後能弊大人能積小物然後能成大事能周小事然後能成大事無非自小以至大自微以至著而不敢以其小物小人事而輕忽之也聖人之待小者且加之謹况其大者乎天下之理未有當繁之事以簡能了者亦未有當戒之事可以強忍為之者亦未有當勤之事可以慵

惰成之者故聖人於世惟可則可惟不可則不可故於事無可無不可初何固必哉是則聖人雖日應萬事而不着事不着物而我在矣

關尹子曰智之極者知智果不足以周物故愚辯之極者知辯果不足以喻物故訥勇之極者知勇果不足以勝物故怯

抱一子曰天下之理爭之則不足遜之則有餘聖人之大智若愚大勇若怯大勇若怯者豈姑為是偽行哉蓋知夫智果不足以周物故愚辯果不足以喻物故訥勇果不足以勝物故怯爾傳曰其愚不可及則智不如愚十語九中不如一默則辯不如訥柔能制



道書卷第...
剛弱能勝強則勇不如怯

關尹子曰天地萬物無一物是吾之物物非我物不得不應我非我我不得不養雖應物未嘗有物雖養我未嘗有我勿曰外物然後外我勿曰外形然後外心道一而已不可序進

抱一子曰善應物者無物善養我者無我有物則不能應物有我則不能養我何則物非我物我非我我纔外物便是外我纔外我便是外心若作內覘其心外觀其形遠觀其物則分心我物為三未免序進也道一而已直下便見不勞分別一空總空何必序進哉

關尹子曰諦毫末者不見天地之大審小音者不聞雷霆之聲見大者亦不見小見邇者亦不見遠聞大者亦不聞小聞邇者亦不聞遠聖人無所見故能無不見無所聞故能無不聞

抱一子曰人有所見則有所不見有所聞則有所不聞非神有所限而精有所量也用吾精神不得其道爾殊不知凡天地萬物之妙者皆吾之神凡天地萬物之有者皆吾之精夫如是則聖人無所見乃能無所不見無所聞乃能無所不聞學者知之乎

關尹子曰目之所見不知其幾何或愛金或愛玉是執一色為目也耳之所聞不知其幾何或愛鐘或愛鼓是執一



道書全集
文卷之
嚴為耳也惟聖人不慕之不拒之不處之

抱一子曰此章義連前章之旨聖人處學者不知無所見無所聞為大也姑以所聞所見喻之如目之所見不知其幾何色而視某物者執某色以拘其見耳之所聞不知其幾何聲而聽某響者執某聲以拘其聞惟聖人不慕彼之聲色不拒彼之形響亦不處吾之見聞則吾之見聞大矣


關尹子曰善今者可以行古善末者可以立本

抱一子曰學者欲行古道必善今俗欲返本源湏知末務苟生於今之世而違今之俗則害生矣只知道本源而不知有末務則難立矣故聖人和光同塵以

善今泛應曲當以善末者乃所以為行古道立本源之池也歟

關尹子曰狡勝賊能捕賊勇勝虎能捕虎能克己乃能成己能勝物乃能利物能忘道乃能有道

抱一子曰賊以狡勝虎以勇勝固矣然則己以何克哉己者我身也克者能勝也知我身本何物則知所以克之道矣學者當觀我本無己因七情六欲緣合而生欲克我身先克情欲前章不云平能制一情可以成德能忘一情可以契道此聖人成己之學也既能成己矣然後能利物苟有一物存乎吾前則為物勝矣焉能利物哉既能成己又能利物可以造道



矣然則道可忘矣道未能忘焉能有道

關尹子曰幽堅則物必毀之剛斯折矣內利則物必摧之銳斯挫矣威鳳以難見為神是以聖人以深為根走麝以遠香不捕是以聖人以約為紀

抱一子曰堅則毀矣銳則挫矣以深為根以約為紀皆老子之言而關尹子復以函刀鳳麝以發明老子之旨使學者盡守柔取虛齟光無藏之理以曲全免咎而已豈非藥石之言乎

關尹子曰瓶有二竅以水實之倒瀉閉一則水不下蓋不升則不降井雖千仞汲之水上蓋不降則不升是以聖人不先物

抱一子曰夫水滿於瓶閉一竅而倒瀉不下者何哉蓋水之氣不宜達而上升則水亦不能下降矣與夫井之水俯而汲之水可上出不汲則亦不升矣聖人懷道抱德人能升進上求則必俯而接之不求則無由與之矣此不升則不降也聖人懷經濟之心雖才超伊呂非侯王屈已降志亦無由而強化矣此不降則不升也瓶以升而後降井以降而後升也聖人取物為則迫而後動感而後起此聖人不為天下先乃所以為天下先也

關尹子曰人之有失雖已受害於已失之後久之竊議於未失之前惟其不恃已之聰明而兼人之聰明惟其無我



而兼天下之我終身行之可以不失

抱一子曰使睿智聰明如虞舜猶不自恃而捨己從人况餘人乎世人於既失受害之後平心自思公言自議所以受禍之端皆恃一己之聰明罔人忽理而致之也既知既悔聰明何恃焉往者不可以追矣而來者猶可為也惟屈已持謙以貴下賤不恃己能不執我見納天下之聰收天下之明兼天下之我用天下之智終身行之故無再失如勾踐保會於會稽受辱之後秦穆納言於峭函敗師之年皆其類也

關尹子曰古今之俗不同東西南北之俗又不同至於一家一身之善又不同吾豈執一豫格後世哉惟隨時同俗先機後事拍念塞慾簡物怒人權其輕重而為之自然金神不測契道無方

抱一子曰隨時同俗先機後事拍念塞慾簡物怒人此數者與孔子翼易隨時同人知幾成務慾念望慾易簡怒忠之言頗同而學者不知謂道家之學獨尚無為是則將謂聖人執一豫格後世聖人何心哉古今四方一家一身俗尚雖各不同而聖人權其輕重而為之制可從先進則從先進可拜下則拜下惟其無可無不可所以合神不測契道無方也孔子不云乎竊比於我老彭然則孔老之道其可以異觀乎

關尹子曰有道交者有德交者有事交者適交者父子也




出於是非賢愚之外故道德交者則有是非賢愚矣故或
或離事交者合則離

抱一子曰道交者聖人也德交者君子也事交者衆
人也聖人之交抱道德之至純故天下和同譬如父
子天親不但以是非賢愚而離間也若夫賢人君子
之交必以德義相合聲氣相同故賢則親愚則疎是
則合非則離不出乎賢愚是非之域矣小人之交非
勢利不交也有故而合有故而離莊子曰以稱今者
迫窮禍患害相棄也其斯之謂歟

閔尹子曰勿以拙陋曰道之質當樂敏捷勿以愚暗曰道
之晦當樂輕明勿以傲易曰道之高當樂和同勿以汙漫
曰道之廣當樂急要勿以幽憂曰道之寂當樂悅豫古人
之言學之多弊不可不救

抱一子曰古人之言教不止一端在當時有禽滑釐
宋鉗尹文彭蒙田駢慎到墨翟諸家之學今其言不
傳至孟子之時止有楊墨二家之言則知俞宋尹彭
田慎之言至閔尹仲尼之時已拒絕之矣敏捷者如
今之禪學問答所以尚口捷給也輕明者如今之騰
身踴躍習觀之類也和同者如西域教之六群和同
也要急者如今之參一句話頭以求頓悟也悅豫者
如今之放逸曠達逍遙自在也此數者雖非當時古
人之教而其事大率相類學之多弊亦不可不救也



道書去集
關尹子曰不可非世是已不可卑人尊已不可以輕忽道已不可以訕謗德已不可以鄙猥才已

抱一子曰非世者世亦非之禍也卑人者人亦卑之辱也遇輕忽而能忍自以為已有道淺也遇訕謗而不辯自以為已有德驕也至於逢鄙猥之人自以為已有才繆也是五者皆學者之病也宜自藥

關尹子曰困天下之智者不在智而在愚窮天下之辯者不在辯而在訥

郭本章未有伏天下之勇者不在勇而在怯二句

抱一子曰人之多智多辯者病也人之能愚能訥者藥也智不能困天下之智辯不能窮天下之辯以智攻智以辯敵辯如火止火以水止水爾奚益哉昔

南唐選博學辯給之使使本朝我太祖選不識字至

愚至訥武夫對之使辯博之使技無所施即此道也

關尹子曰天不能冬蓮春菊是以聖人不違時地不能浴橘汶貉是以聖人不違俗聖人不能使手步是握是以聖人不違我所長聖人不能使魚飛鳥馳是以聖人不違人所長夫如是者可動可止可晦可明惟不可拘所以為道

抱一子曰天下道術或尚晦或尚明或尚動或尚止皆自然之理也聖人觀天之道以時吾神之晦明察地之利以宜吾形之動止近取諸身既如是則遠示之人亦莫不然是則神宜明則明之神宜晦則晦之形宜動則動之形宜靜則止之爾吾之手不能步足



不能握猶魚不能飛禽不能馳也天猶不可使春連
冬菊地猶不可使洛橘汶貉而况違我所長乎而况
違人所長乎苟違其形神之旒長而強為之斯害也
已道安在哉

關尹子曰少言者不為人所忌少行者不為人所短少智
者不為人所勞少能者不為人所役


抱一子曰多言則為人所忌多行者為人所短多智
則為人所勞多能則為人所役皆悔吝也可不謹哉
關尹子曰操之以誠行之以簡待之以恕應之以默吾道
不窮

抱一子曰應事接物不可不誠不誠則喪德故於誠

則操而存之不可不簡不簡則勞神故於簡則行而
宜之不可不恕不恕則忿不懲不可不默不默則機
不密盡是四者吾道何窮哉

關尹子曰謀之於事斷之於理作之於人成之於天事師
於天理師於古事同於人道獨於已

抱一子曰謀今之事當以今之事為師如善弓者不
弓不師羿善舟者師舟不師募其式則不遠也斷事
之理當以古人為師古人聖人揆理曲盡非今人所
及也事作於人不得不與人同其好惡也既謂之于
矣作之於人成之于天在我何敢固必哉若大道則
在我獨行而已矣




道學堂集
卷之十一
四十一
閔尹子曰金玉難捐土石易捨學道之士遇微言妙行慎
勿執之是可為而不可執若執之則腹心之疾無藥可療
抱一子曰學者得一善言聞一善行則奉之服膺而
毋失可謂好學矣殊不知此可以成德不可以入道
道則靈臺皎潔一物不留庶可瞻覲若遇微言妙行
執之於心是為腹心之疾無藥可療何則土石易捨
金玉難捐微言妙行入人心府終身不忘昔人謂一
句合頭語萬劫繫驢椿信哉

關尹子曰人不明於急務而從事於他務他務奇務者窮
困灾厄及之殊不知道無不在不可捨此就彼

抱一子曰心外別無道、外無別心是道也散在萬

物而聚見於人心是心也昭昭於日用之間起居食
息無不在也故心為學者之急務古人修心無剪裁
甲工夫蓋時不待人不容緩也苟得其修大而化之
而為聖苟不得其修則流之於知胎濕化舉諸世事
復有大於此者乎世之學者賤常貴異急於所緩、
於所急貪多尚奇而從事於外務縱使得之過窮困
灾厄且不能免况度世乎南華有言以隋侯之珠彈
千仞之雀其捨此就彼棄重就輕倒置如是悲夫
關尹子曰天下之理捨親就疎捨本就末捨賈就愚捨近
就遠可暫而已久則害生

抱一子曰此章又重發明上章之旨謂學者亦有捨



親就踈捨本就未捨賢就愚捨近就遠而於道有所
得者可暫而已久則害生

閔尹子曰昔之論道者或曰疑寂或曰邃深或曰澄澈或
曰空同或曰晦明慎勿遇此而生怖退天下至理竟非言
意苟知非言非意在彼微言妙意之上乃契吾說

抱一子曰自古聖賢立言垂訓所尚不同同歸於道
有言凝然寂默者有言澄湛虛徹者有言空无大同
者有言晦冥息滅者學者遇此勿生退怖道不在言
意言意豈能盡道耶在彼微言妙意之上乃契聖人
之說

閔尹子曰聖人大言金玉小言桔梗芣苢用之當桔梗芣

苢生之不當金玉斃之

抱一子曰聖人之言精者如金如玉粗者如梗如苢
昔人謂細語及粗言皆歸無上道有因粗言而悟道
者有言細語而不悟者如用藥之當服草木生之不
當服金玉斃之安取乎藥之貴賤哉惟其當而已矣
閔尹子曰言某事者甲言利乙言害丙言或利或害丁言
俱利俱害必居一于此矣喻道者不言

抱一子曰道與事不同事則有利有害故言事則有
某言中利某言中害之理至害言道則終無某言中
道某言不中道之理故善喻道者不言

閔尹子曰事有在事言有理道無在道言無理知言無理



則言言皆道不知言無理雖執至言為不為翳

抱一子曰道與事相反如水火晝夜之不侔也學者言道如言事則誤矣言事則事有所在故事之言有理也言道則無在無不在則道之言安有所謂理哉若知夫道無理可言則言言皆道不然則雖執至言為梗為翳而已

閔尹子曰不信愚人易不信賢人難不信賢人易不信聖人難不信一聖人易不信千聖人難夫不信千聖人者外不見人內不見我上不見道下不見事

抱一子曰學道自信門入信苟不篤道無由而入矣然而信聖賢易信狂愚難信至狂愚則吾之信可謂

篤矣然吾之所謂信者非世人之所謂信也世人之所謂信者信之信也吾之所謂信者不信之信也若夫不信狂愚之人則世人皆能信吾之不信也至于不信賢人則世人未必信吾之不信也况乎至于不信聖人則豈世人信其不信者乎又况乎至于不信千萬聖人此則世人尤其難信之法也惟能信吾不信千萬聖人者其信可謂有信矣新人也其亦外不見人內不見我上不見道下不見事者哉

閔尹子曰聖人言蒙蒙所以使人聾聖人言冥冥所以使人育聖人言沈沈所以使人瘖惟聾則不聞聲惟冥則不見色惟瘖則不音不聞其聲者不聞道不聞事不聞我不



見色者不見道不見事不見我不音言者不言道不言事

我言我


抱一子曰昔有學者問於其師曰有一人負盲體瘡三者之病未見於師也何以發藥師曰汝近前來學者近前而立師以掌示之曰此何物曰掌師叱曰汝非三種病人矣噫是人聞師語而近前則不覺其能見掌則不育矣曰掌則不瘡矣然其人始發問端似知此理及乎被師一勸則本情露矣參同契曰耳目口三寶塞固勿發通陰符云九竅之邪在乎三要可以動靜與此同旨嗚呼安得不聞敲不見色不音言者與之默會哉

關尹子曰人徒知偽得之中有真失殊不知真得之中有真失徒知偽是之中有真非殊不知真是之中有真非

抱一子曰天下學者皆知偽得之中有真失偽是之中有真非故求真得以為得真是以為是也殊不知道無得失無是非纔有得失有是非則是事也非道也如人學道而忽遇異景異物而橫執以為真得真是者往往多遭魔攝而不悟其為真失真非矣

關尹子曰言道者如言夢夫言夢者曰如此金玉如此器皿如此禽獸言者能言之不能取而與之聽者能聞之不能受而得之惟善聽者不泥不辯

抱一子曰此一喻最善與人說道誠如說夢說者曰



吾夢極富貴聽者曰吾且不見吾且不知說者曰吾真有是夢不可不信聽者曰吾既不見不知何以生信說者不能取而示之則曰聽者不智聽者不能見而見之則曰說者不實如是則說者言之不如不言聽者聽之不如不辯昔人謂知道易不言難聞道易默會難故善聽者不於言下求道惟默會其言外之旨可也苟泥其言而辯其實焉足以為善聽善學者哉關尹子特于篇末垂此章為訓者蓋欲學者觀此玄言不泥不辯惟領會其言外之旨而已矣

關尹子曰圓尔道方尔德平尔行銳尔事

抱一子曰道不圓則不神德不方則不立行不平則

不常事不銳則不利關尹子述微言妙義既終又慮學者或志于道而忘德或立德而遺行或積行而廢事是則知務本而不知務末未有不因末而害本者也世固有因事之失而虧行者亦有因行之虧而損德者亦有因德之損而妨道者學者豈可只知從事於道而不資德行以相扶助哉又豈可只知積德累行而遇事不加謹哉世亦有志于道而闡提德行與夫失業廢事者安知聖人立言垂訓体用畢備本末具陳如此詳悉耶噫關尹大聖人慈憐後世之心至矣盡矣不可思議矣學者可不勉旃

今之學道者便不應事管事者便不學道皆因不知道




道書全集
二女卷之一
之所以為道也

新刊道書全集文始真經言外經旨下卷終

丹陽葛稚川後序

洪體存蒿艾之質偶好喬松之壽知道之士雖賤必親也
雖夷狄必貴也後遇鄭君思遠授之玉笈瓊簡之書服餌
開我以至道之良藥呼吸洗我以紫清之上味後屬洪以
關尹子九篇洪每愛之誦之拜之藏之夫宇宙者道也柱者
建天地也極者尊聖人也符者精神寃鬼也鑑者心也匕
者食也釜者化也籌者物也藥者雜治也洪每誅之冷冷
然若躡飛葉而游乎天地之混溟茫茫乎若履橫杖而浮
乎大海之渺漠超若處金碧琳琅之居森若握鬼魅神奸
之印欣若駕鳶鶴怒若闔虎兕清若浴碧慘若夢紅縱擒
大道渾淪至理方士不能到先儒未嘗言可仰而不可攀

中央研究院 國家中央圖書館, TAIWAN, R.O.C.



可玩而不可執可鑑而不可思可符而不可言其忘物遺
人者之所能言乎其絕迹去智者之所能言乎其同陰陽
彼此者之所能言乎何如此之尊高何如此之廣大又何
如此之簡易也洪也幸親授之

咸和二年五月朔丹陽葛稚川後序



